

東

華

續

錄

臣朱壽朋敬編

臣戴圭璋恭校

八月己丑子故大學士李鴻章於江蘇上海建福○庚寅諭前據壽全等奏孤寡差役聚眾譁索餉米情形當派敬信前往查辦茲據查明覆奏此案萬趙氏等因欠發銀米起意率眾至文錦家索借並擁入鎮署喧鬧實屬不法惟因錢米被扣起見與實在聯謀聚眾者有間郎中文錦開放米折藉端過扣領催文廣等擅扣米折銀兩製送隔傘均屬不合著照所擬罪名分別辦理守護大臣壽全奎瑛馬蘭鎮總兵坐軸於開放米折時並未奏明另籌經費率准文錦等扣減銀數致釀事端均屬咎無可辭惟尙無迴護情事著交宗人府吏部照例議處餘著照所議辦理該部知道○辛卯諭湖南辰州府傷斃教士前經降旨飭令俞廉三迅卽派員查辦屢拿正兇務獲重辦並查明地方官如有保護不力情事卽據實參處在案旋據奏稱因該處時疫盛行痞匪造謠謂教堂投毒并中適有民婦蕭張氏在街拋撒藥末因此起衅突聚二千餘人擁至薛亨寓所將薛亨毆傷並有另起痞匪擁至福音堂圍鬧當經該府縣營員趕往保護痞匪已將教堂打毀英國教士胡紹祖羅國全由堂內逃出均被擊斃身死匪眾奔散當傳到教民看明

兩教士屍傷從豐棺殮先後拿獲蕭張氏及匪犯田俊之等十名尙訪有徐玉亭等正懸賞購拿懲辦沅陵縣知縣陳福年到任甫經一月當時同營員趕往救護兩教士已被毆死教堂已毀究屬保護不力請將陳福年辰州城守都司劉良儒駐防毅字旗參將張耀魁一併先行革職等語著俞廉三仍嚴飭查拿正犯徐玉亭等務獲懲辦早結重案劉良儒張耀魁陳福年均著先行革職俟正犯拿獲結案後再行分別具奏○商約大臣尙書呂海寰侍郎盛宣懷與英國商約大臣馬凱在上海續議通商行船條約十六款成其文曰 大清國 大皇帝大英國大皇帝兼五印度大皇帝因曾於光緒二十七年七月二十五日會定議和條約之第十一款內開 大清國國家允定將通商行船各條約內諸國視為應行商改之處及有關通商各項事宜均行詳商以期妥善簡易等因茲欲按照該條約將各該約章事宜分別改修商定是以 大清國特派欽差辦理商約大臣工部尙書呂海寰欽差辦理商約大臣太子少保工部左侍郎盛宣懷大英國特派欽差辦理商約全權大臣五印度二等寶星總理印度事務大臣政務處副堂馬凱各將所奏諭旨互相恭校俱屬妥當現將會議修增各款開列於左 第一款 向來發給存票會  
有延擱推原其故係由此等存票山監督經理而監督又與海關相隔遙遠現議定從今以後所有存票悉歸海關發給自商人稟請之日起如查係應領者於二十一日之內發給此等存票可用以抵出入口

貨稅惟不得用以抵納子口半稅至洋貨入口後三年之內再運出外洋其存票可由該貨入口納稅之海關銀號領取現銀不得減扣備請發存票之人欲圖混騙一經海關查出須罰銀照其所圖騙之數不得逾五倍或將其貨入官 第二款 中國允願設法立定國家一律之國幣卽以此定爲合例之國幣將來中英兩國人民應在中國境內途用以完納各項稅課及付一切用款 第三款 中國允許凡民船載貨由香港往來廣東省內各通商口岸所納之稅連船金合算不得少於海關徵收輪船所載相同貨物之稅數 第四款 中國人民曾已出資鉅數購買他國公司之股票雖眾人悉知究竟華民如此購買股票是否合例之處尙未明定故中國現將華民或已購買或將來購買他國公司股票均須認爲合例凡同一公司願入股購票者各有本分當守自宜彼此一律不得稍有歧異中國又允遇有華民購買公司股分者應將該人民購買股分之舉卽作爲已允遵守該公司訂定章程并願按英國公堂解釋該章程辦法之據儻不遵辦致被公司控告中國公堂應卽飭令買股分之華民遵守該章程當與英國公堂飭令買股分之英民相等無異不得另有苛求英國允英民如購中國公司股票其當守本分與華民之有股分者相同并訂明以上所開各節凡曾經呈控公堂而已經不予准理之案與是款無涉 第五款 中國允於兩年內除去廣東珠江人工所造阻礙行船之件又允准將廣州口岸泊船處整頓以

便船隻裝載貨物既整頓之後允為設法隨時保持其工程並開辦理而經費由華英兩國商人照卸裝貨物抽捐充用至應抽若干歸該商等與海關議定中國本知宜昌至重慶一帶水道宜加整頓以便輪船行駛又深知整頓工費浩大且關繫四川兩湖地方百姓所以彼此訂定未能整頓以前應准輪船裝主聽候海關核准後自行出資安設拖拉過灘利便之件其所安設利便之件無論民船輪船均可任便聽用仍須遵照海關議定章程辦理但所設之件不得阻礙水道或阻礙民船暢行其標示記號之燈塔及指示水槽之標記由海關酌度何時何地相宜備設將來如有可行條陳整頓水道及利於行船而無害於地方百姓且不費國家之款中國應和平酌核 第六款 中國允准在通商口岸多設關棧以便屯積洋貨及拆包改裝等事俟出棧時始完稅課凡英國官員請將某英商之棧改為關棧應由該口海關查明實係謹慎堅固保無偷漏稅項之虞始准所請該棧須遵海關訂定關棧專章輪納規費至此項規費應納若干按棧離關遠近屯何貨物并工作早晚酌情核定惟所定之章應實於稅務商情兩有裨益 第七款 英國本有保護華商貿易牌號以防英國人民違犯跡近假冒之弊中國現亦應允保護英商貿易牌號以防中國人民違犯跡近假冒之弊由南北洋大臣在各管轄境內設立牌號註冊局所一處派歸海關管理其事各商到局輪納秉公規費即將貿易牌號呈明註冊不得藉給他人使用致生

假冒等弊 第八款 中國認悉在出產處於轉運時及在運到處紛紛徵抽貨釐以及別項貨捐難免

阻礙貨物不能流通勢必傷害貿易之利是以允願除第八節所載之銷場稅外盡裁此項籌餉之法英國允許英商運進之洋貨及運出之土貨除照舊時稅則應納正稅外加完一稅以爲補償中英兩國彼此訂明所有釐卡及徵抽行貨他捐各關卡局所裁撤後不得改名或藉詞將此項關卡復行設立進口洋貨所加抽之稅不得過於中國與各國光緒二十七年七月二十五日即西歷一千九百零一年九月七號簽押之和議條約所定之進口正稅一倍半之數此項進口正稅及添加之稅一經完清其洋貨無論在華人之手或在洋商之手亦無論原件或分裝均得全免重徵各項稅捐以及查驗或留難情事至出口土貨所納稅之總數不得逾值百抽七五之數中英兩國心存以上所言之宗旨故允願辦法如下

第一節 中國允將十八省及東三省陸路鐵路及水道向設各釐卡及抽類似釐捐之關卡概予裁撤於約款照行之時不得復設惟在沿江沿海通商口岸并內地之水道陸路或邊界現有各常關不在此列

第二節 英國允願洋貨於進口時除按光緒二十七年所訂和約內載進口貨稅增至切實值百抽五外再加一額外稅照和約所定之稅加一倍半之數以抵裁撤釐金子口稅及洋貨各項稅捐并酬此款所載各項整頓之事惟不得有礙第三節常關第五節土藥第六節鹽斤第八節各項土貨抽收

銷場稅之權凡經陸路邊界運入中國十八省及東三省之貨與從海道運入中國之貨一律徵收此項  
加稅 第三節 現在所有之常關無論在通商口岸沿海沿江及內地水道陸路與邊界凡截在工戶  
部則例 大清會典書均可仍舊存留惟須開列清單註明地址照送存查其有海關而無常關及沿海  
沿邊非通商口岸之各處均可添設常關將來如新開通商口岸應設海關者常關亦一併安設至內地  
舊有各常關地址或有應由某處移至某處以合貿易情形可隨時酌改照會英國國家更正清單但不  
得逾舊有額數凡民帆各船出入通商口岸裝載之貨所納稅項不得少於輪船裝載同類之貨所納進  
口正稅以及加稅之總數土貨在於內地由此處運往他處自產處起運到內地第一常關應照海關稅則  
徵收第七節所載之出口加稅給予憑單載明貨色件數斤兩及指運之處并所徵稅數自完納加稅之  
日起限期至少一年持此單據無論進內地何關均不得再徵稅項及查驗留難阻滯該土貨若運至通  
商口岸租界以外之處銷售即應納第八節所載之銷場稅如運至通商口岸轉販出口該口稅關應將  
單據驗明准抵應加之出口稅凡民船民艇及車輛除應抽公道輕捐定為每年若干按時徵收外不再  
另有抽捐惟現在所抽船鈔船料不在此列 第四節 洋藥現在併徵之稅釐仍照現行各約章所載  
辦理以後應將該釐金作為加稅 第五節 英國本無意干預中國徵抽土藥稅項之權惟須聲明徵

收此項土藥稅項之辦法不得於他項貨物稍有耽延留難亦不得藉詞徵收別項捐費中國可在各省水陸邊界要隘仍留舊設之土藥稅所凡所有應繳各種稅捐在於該所作一次交納即算在該省之內應納各項稅捐均係完清且每塊黏貼印花以為完稅之據各該局所可覓用巡勇警察以防偷漏惟不得設有卡欄或別項阻礙之具至此項土藥局所警察巡勇不得於他項貨物有所耽延留難亦不得藉詞徵收別項稅項并須將所留各局所地址即行開單照送存查 第六節 鹽釐名目須改為鹽稅可按鹽徵之釐金數目及別項徵捐加入課稅之內此項稅課或在產鹽地方抽收或在銷鹽省分進境後第一局抽收并可任便設立各項鹽報驗公所凡船隻按照鹽引運載鹽者須在該公所停船候驗蓋戳放行但不得徵收釐金或過路貨捐亦不得建築各項卡欄阻礙之具 第七節 中國可以將現在出口稅則從新修改以值百切實抽五之例為準凡能改者即當定為各該貨按色應完稅銀幾何惟如欲加抽須先六個月預行通知方可現行稅則有逾估價值百抽五之數者亦須裁減無逾又因裁撤釐金及各項貨捐之故所有土貨販運出洋或由通商此口轉運通商彼口除出口正稅外可於出口時加抽出口正稅之一半以為抵補至於絲斤一項無論手繅或機器繅所徵出口正稅之總數不得逾估價按包值百抽五之數此稅並可在絲斤所過之第一內地常關徵抽一半惟須第三節所載辦法給以單據



即可抵納出口正稅一半之數若露鹵經過常關則須免抽各項之稅其在中國內銷不出洋之絲斤仍按第八節須納銷場稅 第八節 中國既裁撤釐捐以及向有內地徵抽洋貨及出洋土貨別項貨捐實於進款大有所失今進口洋貨出洋土貨及由此口至彼口往來土貨所加之稅莫可酌補惟內地土貨釐金進款之所失仍須設法籌補是以彼此訂明中國可任便向不出洋之土貨徵抽一銷場稅但祇可於銷售之處徵抽不得於貨物轉運之時徵抽中國承認徵抽此項銷場稅之辦法不得稍與運來之洋貨或運往外洋之土貨有所妨礙凡貨物既屬洋貨一經海關驗放之後即須免一切稅課及留難阻滯之事凡洋貨與土貨相類者完納進口正稅及所加之稅後該口海關若據貨主請領即應逐包發給該貨已經完清各該稅項之憑單免致在內地有爭執之虞凡民船運至通商口岸之土貨將在本地銷售者無論貨主是何國之人祇應報明常關以便徵抽銷場稅此項銷場稅數之多寡可任由中國自定視貨物種類酌即視該貨若係民生日用所必需者則可減抽若非民生日用所必需及僅止富貴家所用貴重之物則可加抽惟同類之貨無論是民船帆船或輪船裝載者均須一律徵收但此項銷場稅應按照第三節所載不得在租界內徵收 第九節 凡洋商在中國通商口岸或華商在中國各處用機器紡成之棉紗及製成之棉布須完一出廠稅其數係倍於光緒二十七年滬和條約所載之進口正

稅惟各該機器廠所用之棉花若係外洋運來者應將已完進口正稅全數及進口加稅三分之一發還所用者若係土產棉花須將已徵之各稅及銷場稅全數一併發還凡以上所指華洋各商在中國用機器紡織之紗布既完出廠稅後所有出口正稅出口加稅復進口半稅以及銷場稅概行豁免此項出廠稅須由海關徵收凡別項貨物與洋貨相同者若洋商在通商口岸或華商在中國各處用機器造成者亦須按照以上章程辦法辦理惟湖北之漢陽大冶鐵廠及中國國家現有免稅各廠以及嗣後設立之製造局船澳等廠所出之物件不在此款所言出廠稅之列 第十節 由各省督撫自行在海關人員中選定一人或數人商明總稅務司由該督撫派充每省監察常關銷場稅鹽務土藥徵收事宜該員等須實力監察如有不合例之需索留難一經監察之員稟報該省督撫即行將弊端除去 第十一節 凡照此款有不合例之需索及留難情事一經商人告發即由中國派員一名會同英國官員一名及海關人員一名彼此職位相等查辦其事如經一多半人員查出實有留難受虧確情即由最近通商口岸海關在加稅項下撥款賠還舞弊之員應由該省大吏從嚴參辦開去其缺備查出實係被誣原告商人應罰還查辦一切用費英國駐京大臣如得有憑據致信該關等有不合例之需索或留難情事應得照請中國查察 第十二節 中國允願將下列各地開為通商口岸與江甯天津各條約所開之口岸無

與卽湖南之長沙四川之萬縣安徽之安慶廣東之惠州及江門凡各國人在各該通商口岸居住者須遵守該處工部局及巡捕章程與居住各該處之華民無異非得華官允准不能在該通商口岸之界內自設工部局及巡捕此第八款若不施行則不得索開以上所列之處作為通商口岸惟江門一處另載於第十款內不在此列 第十三節 按下列第十四節所載明者若能照辦則此款辦法應自西歷一千九百零四年正月初一日舉行屆時將所有釐卡須盡行裁撤凡徵收約內禁止稅項之人員亦均須辭差 第十四節 凡在中國應享優待均沾之國亦須與中國立約允照英國所定英商完納加增各稅並所許各項事宜中國方能允照此條所載各節辦理凡各國與中國或以前或以後立定條約內有優待均沾之款者亦須一律允立此約又各國不得明要求中國或暗要求中國給以政治利權或給以獨占之商務利權以為允願此條之基礎英國方能允照此條所載各節辦理 第十五節 倘各國與中國立定條約內有利益均沾之款者若在西歷一千九百零四年正月初一日以前尚未允按英國在於此款所許各節辦理須俟各國允許照辦始可將此款舉行 第十六節 此款所載裁撤釐金及內地各項貨捐一經議定批准卽應 明降諭旨用磨黃布告於眾聲明向有釐金全撤向有釐卡全撤至常關及內地各項貨捐貨稅除按此款所載抽收外餘須盡行裁除所降 上諭亦須載明如有背此約

文詞意之真卽黃成該省大吏從嚴懲辦開去其缺 第九款 中國因知振興礦務於國有益且應招  
徠華洋資本興辦礦業故允自簽押此約之日起於一年內自行將英國印度連他國現行礦務章程迅  
速認真考究採擇其中所有與中國相宜者將中國現行之礦務章程從新改修妥定以期一面於中國  
主權毫無妨礙於中國利權有益無損一面於招致外洋資財無礙且比擬諸國通行章程於礦商亦不  
致有虧凡於此項礦務新章頒行後始准開礦者均須照新章辦理 第十款 茲因光緒二十四年所  
訂中國內港行輪章程准特在通商口岸註冊之華洋各項輪船行駛貿易又因是年六月八月先後所  
訂此項章程間有未便是以彼此訂明應將此章從新修改附載此約惟此章程應按照遵行直至日後  
彼此允願更改為止又彼此議定將江門開爲通商口岸除光緒二十三年正月初二日中英兩國簽押  
緬甸條約之專款所准英輪前往西江之停泊處所外茲將廣東省內之白土口羅定口都城作爲暫行  
停泊上下客貨之處按照長江停泊章程辦理並將容奇馬寧九江古勞永安後灘濠步悅城陸都封川  
等十處作爲上下搭客之處 第十一款 英國茲允禁止莫啡鴉任便販運來華中國亦須應允凡英  
國領有執照之醫生如運莫啡鴉進口應在本國領事署內具立切結實爲自用或爲某醫院專用且過  
有英國藥舖如亦在本國領事署內出具切結聲明非有西國醫生藥單不得出售並云卽有此項藥單

亦僅以此須小數出售至各該醫生等如運英啡鴉進口應照稅則納稅後請領海關單方准起岸放行倘不遵照所具切結辦理一經本國領事查出以後不准再運凡英人販運英啡鴉進口有未領事單者應將其貨充公惟須由有約各國應允照行乃可舉辦惟未舉辦以前過有英啡鴉業已落船者不在此例中國亦允禁止中國舖戶製煉英啡鴉以杜其患 第十二款 中國深欲整頓本國律例以期與各西國律例改同一律英國允願盡力協助以成此舉一俟查悉中國律例情形及其審斷辦法及一切相關事宜皆臻妥善英國即允棄其治外法權 第十三款 中國之意教事必須詳細商酌以免從前嫌釁滋事將來復請備中國與各國派員會查此事盡力妥籌辦法英國允願派員會同查議盡力籌策以期民教永遠相安 第十四款 咸豐八年商定條約通商章程第五款內載凡米穀等糧英商欲運往中國通商別口則照銅錢一律辦理出口時依照稅則納稅等因茲彼此應允若在某處無論因何事故如有饑荒之虞中國若先於二十一日前出示禁止米穀等糧由該處出口各商自當遵辦倘船隻為專租載運穀米而來若在奉禁期前或甫出禁期到埠尚未裝完已買定之米穀者仍可准於禁期七日內一律裝完出口惟米穀禁期之內應於示內聲明清米軍米不在禁列如運出口者須先載明數目若干但此項米穀雖在不禁之列而應於海關冊簿逐日登記進出若干除此之外其餘他項米穀一概不

准轉運出口其禁止米穀以及禁內應運之漕米軍米數目並限滿弛禁各告示均須由該省巡撫自行  
出示備於既禁之後如准無論何項米穀載運出口則應視該禁業已廢弛若欲再行禁止則須另行出  
示之後以四十二日為限方可照辦至米穀等糧仍不准運出外國 第十五款 此次新定稅則日後  
彼此兩國若欲修改以十年為限期滿須於六箇月之內先行知照酌量更改若彼此未於期前聲明修  
改則稅課仍照前章完納復俟十年再行改修以後均照此限辦理嗣後中國若於他國所產或所造貨  
物如有給以稅則利益之處則英國所產或所造相同貨物無論由何人運來進口者亦應一律均沾此  
項利益彼此兩國向定條約若未由現定條約或廢或改則應仍舊遵守 第十六款 此次商定條約  
漢英各文詳細校對惟嗣後如有文詞辯論之處應以英文作為正義本約立定由兩國特派大臣在中  
國江蘇省之上海將約之漢英文各二分先行書押蓋印恭候兩國 御筆批准在中國京城一年限內  
會晤互換以昭信守 又續議內港行輪修改章程十條 第一款 英國輪船東可向中國人民在河  
道兩岸租棧房及碼頭不逾二十五年租期如彼此兩願續租亦可從新再議儻英商不能向華民安租  
棧房及碼頭須由地方官與商務大臣商妥後照公道時值預備棧房碼頭租給租滿之後亦可接租  
第二款 靠船碼頭不得有阻水道亦不礙船隻通行並須由最近海關先行查明允准但海關亦不得

無故駁阻 第三款 英國商人所租棧房及小碼頭須納稅捐如同中國人民左近相類之房屋一棟

英國商人只能用中國代理人及辦事等人在該內河行輪處所租棧房之內居住貿易惟英商亦可隨時前往察視其生意情形不得因此於中國向來管轄華民之權稍有減損或有所妨礙 第四款 中

國內港行駛之輪船如有損傷堤岸或各項工程應責成該輪船將該堤岸工程查係損傷以及他項因傷受虧一切賠償業主如有淺水河道恐因輪船致傷堤岸以及相連之田地中國欲禁小輪行駛者知

會英國官員查明實有妨礙即行禁止英輪行駛該河但藉輪亦應一律禁止至華洋輪船並不得駛過內河向有壩閘之處防有損傷該處應開有礙水利 第五款 英國政府欲將中國內地水道開通行

駛輪船大意實為中外貨物運動迅速起見如現在或日後有行駛內地水道之英輪而該船業主允願將輪船轉買與華人公司及掛中國旗號英國政府應許不加禁阻如有華人按照中國律例註冊設立

內港行輪公司而有英人附股者不得因該公司有英股在內遂以為該公司輪船即准掛英國旗號 第六款 民船向不准裝運禁貨物凡行駛內港輪船及該輪拖帶之船亦均一律不准裝運如有不

遵即照約載運禁章程辦理註銷所給關牌不准行駛內港 第七款 內港行輪風氣未開內地居民宜令其少受驚擾故凡內港其向未經輪船行駛者須審察商人之便並輪船東實見生意有利可圖方

可漸次開駛如有商人有意於商船未經到之內港設輪行駛須先向最近口岸之稅務司報明以便轉稟商務大臣會同該省督撫體察情形迅速批准 第八款 此項輪船准在口岸內行駛或由通商此口至通商彼口至內地並由該內地處駛回口岸並准報明海關在沿途此次所經貿易各埠上下客貨但非奉中國政府允准不得由此不通商口岸之內至彼不通商口岸之內地專行往來 第九款 無論客船或貨船均經輪船拖帶凡被拖之船隻其船戶水手人等均應歸華民充當並不拘船東為何人均須掛號方准由口岸行駛內港 第十款 現在所定以上各章程係補續光緒二十四年五月七日前後所訂內港行輪之章程其未經此次所訂更改者則仍舊照行其爲此次章程所改者則以此次所定爲準此次之章程是補續光緒二十四年前後之章程均爲暫行章程嗣後備有應行修改之處即可隨時彼此酌情商定○壬辰諭張鴻瓊奏濫陳下情請開去重要差缺一摺現在政務殷繁交涉均關緊要全在諸大臣同心協力宏濟艱難樞臣朝夕在公其居心行事朝廷自能洞鑒該尚書辦事認真不辭勞怨惟當夙夜宣勤力圖報稱從來任事之人不可存引嫌之見所請開去差缺之處著毋庸議○癸巳外務部奏光緒二十八年五月十八日山西巡撫岑春煊奏柳太鐵路宜亟興辦合同尚須詳細改訂一摺奉 硃批外務部會同路礦大臣議奏片併發欽此由軍機處鈔交到部查原奏內稱前撫臣胡聘之



於蘆漢幹路既推原湖廣督臣張之洞用管鐵之奏議開太原枝路以接正定幹路由商務局借洋欸興  
造當經奏交總署核訂合同奉 旨飭由管省商務局紳與俄商璞科第畫押准借道勝銀行二千五百  
萬佛郎克約合華銀六百八十萬兩興修由正定柳林堡至太原鐵路中因奉教之變暫行停輟現璞科  
第擬將二十四年奏訂柳太合同底稿呈請核訂當飭司道等妥議以璞科第擬改合同與蘆漢柳太兩  
合同多有未符事關重大實未敢草率定擬惟鐵路要政義無緩置璞科第又催促開辦亦未便稍事稽  
延應請 飭下外務部路破大臣及督辦蘆漢鐵路大臣盛宣懷就原訂柳太合同蘆漢合同參照此次  
呈改合同何條可行何條可廢商明璞科第另訂合同行知管省俾得迅速興辦另片又稱該俄商既擬  
將合同照蘆漢改訂則其篤信蘆漢之約可知柳太本蘆漢枝路如 飭令盛宣懷督辦則事歸一律補  
救必多各等語臣等正在核議間適璞科第到署催訂合同當將管撫所奏各節切實與商璞科第願將  
此段鐵路作為蘆漢分支由道勝滙行總辦就近與督辦蘆漢鐵路大臣面議即經 部函達盛宣懷核  
辦去後現據盛宣懷以正太鐵路歸併蘆漢係屬正辦已與滙行總辦晤商等情電覆前來 臣等竊維管  
省土產饒沃尤以煤鐵為大宗祇因關山扼塞運道多艱若修鐵路以便轉輸於大局實有裨益按照原  
訂合同該路起於正定府之柳林堡其發軔始基即在蘆漢車站相近之處自應作為蘆漢分支俾得聯

絡一氣庶將來西北土貨只注東南不但晉省商民坐致懸遷之利卽蘆漢幹路兼收轉運之實撥之地勢商情均爲利便相應請 旨飭下盛宣懷按照蘆漢鐵路辦法與俄商妥訂詳細合同奏明辦理得 旨允行○崧蕃等奏新疆爲西域三十六國週迴二萬餘里前任督臣左宗棠於光緒四年克復全疆後奏請改建行省擬設郡縣頗多督臣譚鍾麟以地方新復議在於南路喀什噶爾阿克蘇兩處各設巡道七城各設一官復經撫臣劉錦棠通籌全局會商具奏於東西地設喀什噶爾直隸屬溫宿直隸州轄拜城縣庫車直隸州烏什直隸屬西四城設疏勒直隸州轄疏附縣英吉沙爾屬莎車直隸州轄葉城縣利剛直隸州轄于闐縣噶喇巴什屬南八城建置既定始建省治於迪化城十一年 簡放劉錦棠爲甘肅新疆巡撫調甘肅布政使魏光燾爲新疆布政使原設鎮迪道加按察使銜兼管全疆刑名驛傳事務奏請升迪化直隸州爲迪化府添設迪化縣爲附郭首縣餘仍舊升伊犁屬爲伊犁府增設定遠兩縣添設庫爾喀喇烏蘇直隸屬精河直隸屬升塔城通判爲直隸屬同知裁撤爾柔斯巡檢改設分防通判計通省四道二府十二廳四直隸州十一縣其時種民多未復業地曠人稀所設地方官足資控制迄今已十有八年土戶客籍生齒日衆邊境安謐歲事屢豐關內漢回攜眷來新疆就食承墾備工經商者絡繹不絕土地開闢戶口日繁而原設州縣所轄以千餘里數百里撫字催科遠難親到不得不分派司事並

用鄉約回目以助之而弊端歧出良懦之民多受其魚肉狡詐之民動肆其刁強牧令疏於防範率多撤任遇有命盜案件呈報勘驗往來動經彌月傷形腐變兇犯遠颺辦理實多爲難且府少而廳隸福州較多升調鼓舞之術有時而窮表率督察之權亦欠專重揆之今日形勢非增設廳縣升設郡守不足以宏治化而安邊氓查喀什噶爾道屬無知府惟三直隸州而疏勒州爲道首轄成延一千一百餘里徵糧一萬八千餘石地富民繁五方雜處極關重要擬請改升爲府名曰疏勒府原轄疏附縣徵糧一萬九千餘石兩處轄境均寬訟獄錢糧多難兼顧查有距府百八十里之排素巴特當家路之衝居民繁廣應駐防營彈壓不如添設縣治劃附近罕愛里克大莊轄之增設一縣其地屬唐伽師城擬名曰伽師縣莎車直隸州表延一千一百餘里地廣而腴近年新墾三十餘萬畝爲通省之最英商麇集交涉尤繁擬請改升爲府名曰莎車府所轄葉城縣地亦膏腴且成應劃府南之坡斯坎再益以縣北之一肯蘇各莊增設一縣其水爲澤勒齊河擬名曰澤齊縣又莎車西南七百四十里之色勒庫爾爲坎巨提出入要路西踰阿克塔什又與英俄接壤年來駐紮防營常多交涉採運糧草開墾地畝必須得人經理擬請設分防通判地爲古稱罕國擬名補罕通判和闐直隸州廣延一千八百里徵糧二萬五千餘石銀一千四百餘兩轄縣子圖徵糧八千三百餘石銀九千八百九十餘兩距縣四百里之洛浦莊地廣民強擬劃西偏地糧

增設一縣名曰洛浦縣瑪喇巴什直隸歸水利通判廣延八百里徵糧九百石銀一千三百餘兩時與疏勒有爭收爭界之事擬請改屬爲知州歸疏勒府管轄庶無畛域之分地爲古巴爾楚名曰巴楚州此擬西四城增設大略也阿克蘇道屬溫宿直隸州廣延一千五十里徵糧一萬九百九十餘石銀六千八百餘兩地腴民富南疆要衝擬請升爲府曰溫宿府歸城巡檢距府二十餘里巡檢職卑難資管轄擬請升爲縣曰溫宿縣距縣四百八十里之柯爾坪地遠民頑擬請增設分防縣丞曰柯爾坪縣丞一員以資佐理焉書府南六百三十里布告爾分防巡檢地廣民多詞訟錢糧向由該巡檢就近代理不如分設一縣以專責成其地爲古輪登城名曰輪登縣新平縣轄境二千餘里光緒二十四年臣以羅布渾爾撫輯回均已歸化安插甘回亦已就緒奏請改設一縣以資撫綏近因升署該府現任阿克蘇道江遇璞與現署該府劉嘉德設法開通溝渠招民屯墾業已水利暢行足陸地數十萬畝該縣令章炯經營近且不遑難再連及距縣十餘站之卡克里克分防縣丞地小而腴轄境甚遠東接收煌南通于闐爲邊隅衝要之區擬請升爲縣以便專意開墾地方經理民事其地爲古塔羌國卽名曰塔羌縣庫車直隸屬廣延八百里徵糧一萬餘石銀五千五百餘兩土性沃饒轄境遼闊擬請改爲州曰庫車直隸州州南一百八十里之沙雅爾民風強健地僻而寬先年開辦督後本局庫車分局不可無官鎮攝擬請添設一縣名曰沙雅縣

仍歸車軍管轄此擬東四城增設大略也至於北路原設廳縣尚多惟迪化府阜康縣屬濟木薩縣丞距縣二百五十里土地膏腴錢糧戶口較阜康爲多未便求大於本擬請升爲縣其底驛爲乎連卽名曰乎連縣吐魯番直隸廳同知廣延六百餘里徵糧一萬七千餘石銀二千一百餘兩距廳二百四十里關展巡檢轄境甚遠物產頗饒爲東南路衝要擬請分劃地糧改升爲縣地爲百都魯國卽名曰都魯縣仍歸廳轄濟木薩縣丞既升爲縣昌吉所屬之呼圖壁巡檢向收錢糧應改爲縣丞以便升調以上計擬升設三府改一直隸州知州增一通判九縣兩縣丞並各縣擬增設一典史如此分地而理庶民事可就近經理地利亦可逐漸興與邊防亦益增嚴密矣其升設之知府卽仿照爲書府例仍舊徵收錢糧管理訟獄卽以該直隸州舊有之養廉移爲知府養廉直隸廳改直隸州與知州亦然其缺均優原准公費悉行裁減增設分設之縣卽以該州縣原有之公費移作養廉所升之府之州吏目卽改爲府經歷改直隸州之庫車照磨改州之瑪喇巴什廳照磨均改爲州吏目其餘有應添廉俸及縣丞典史俸薪書役工食修理衙署倉廩監獄經費擬仿照內地經徵錢糧例加收耗羨酌留動支升增各州縣皆舊有驛站不過酌增數處不須多添驛費均暫從舊後項下開支不另請款除原有防營照舊駐防外其無防營者由就近防營撥駐亦無須再添防兵此皆亟應籌置之事就地可以籌辦臣應祺自光緒十五年出塞宣撫察看地

勢民情卽擬變通辦理而未敢操切圖功歷經十四年悉心考察欲圖長治久安之策實無逾此亦何敢苟且遷延因循以廢吏治與<sup>臣</sup>善再三往復函電交馳<sup>臣</sup>善查從前設官甚少係因地廣人稀現在人稠地闢政務繁委屬鞭長難及增設邊縣實爲良圖或應詳議入告於吏事邊事均有裨益得<sup>旨</sup>政務處會同該部議奏片併發○甲午論此次侍衛處引見旗陸等侍衛各員經朕連日看視步簡中的合式者甚少該侍衛等前年因遭事變流離遷徙未能隨時肄業此次加恩從寬仍照該王大臣等所擬缺分等次序補嗣後務當督飭認真練習以期嫻熟若再技藝生疎定當分別降革毋謂寬典可倖邀也○袁世凱奏查直隸向稱缺額省分自經變亂應擬賠款歲至八十餘萬加以辦理善後需用浩繁經<sup>臣</sup>仿照山東成案奏請在省城設立籌款局整頓稅捐事宜在案前據該局司道詳稱就地籌款辦理一或不慎卽滋擾累計惟擇其無害民生有裨<sup>國</sup>計者先行試辦伏查上年八月戶部奏擬賠款數鉅期迫通籌辦法第八條章程內開各省土藥一項茶糖烟酒四項非民間日用所必需徵尙無妨礙擬就抽釐數目再加三成等語奉<sup>旨</sup>允准通飭遵行直隸土藥業已加捐三成茶糖非本省所產另開關卡加抽稅釐其烟酒二項爲民間嗜好所需無關養生本計誠如部議重徵尙無妨礙除烟捐另辦外有燒酒一項出產最多尙無落地稅捐商利頗厚若酌加捐數實成燒鍋代收既無擾累之虞亦少偷漏之弊茲擬每

戶售酒百斤抽捐制錢一千六百文並准其於常價之外每斤增價十大文發售在燒鍋加價抵捐既無所損卽店鋪照本零售亦可通行至民間沽酒每兩多出一文所費亦甚微永而合省通年計之則又集  
成巨款擬議試辦章程詳請具奏前來臣查燒鍋加抽酒捐與部議重徵酒釐之意相合於籌款不無裨益而酒價略增亦可矚示節制之意所擬辦法尙屬切實可行謹將試辦章程另繕清單呈 御覽  
應請 旨俯准照辦以資集款而裕度支得 旨著照所請該衙門知道單併發○乙酉王培佑奏七月  
二十六日奉 上諭商約一經定議卽將各省局卡裁撤不再抽收釐金等因欽此仰見 聖謨高深具  
有權衡臣維抽收釐金助餉本一時權宜祇以積習相沿各省疆吏所恃爲騰挪彌補之術調劑屬員之  
資釐局實一大宗故莫肯建議裁撤今 朝廷洞燭弊端擬將一律蠲除釐者以爲國用所需可取償於  
加稅惟各疆吏彌補調劑之私計不知此後將何所取償若謂各省陋習從茲革除淨盡臣未敢深信變  
本加厲心竊憂之查當年抽釐之舉謂取諸民不若取諸商商運貨到卡有貨可抽無貨者不能抽也且  
增價售貨以取盈商仍無損若捐民戶則雖無別貨亦不得免且量量者將何術以償所失此商捐與民  
捐利害相應之大較也是故釐雖嚴辦行之數十年尙無大害向使派捐民戶而以釐局之弊行之其害  
必不可終日烏能相安以至於今耶今 國家賠款既鉅方議藉資民力倘各疆吏因失釐局之利競以

實民力紓國難為名恣意添設各項民捐等局師營局無弊之故智以濟其彌補調劑之私貽害何堪設  
想我 朝深仁厚澤二百餘年際此時艱使各出財力以紓 宸廑此民心之所甘也使罄財力以便捐  
吏之私圖飽蠹吏之貪婪此民心之所必不甘也大亂初平民氣未靖生計復感民不甘則將起而與官  
吏為難而其禍卒中於 國家不待智者而後知矣恭讀此次 諭旨以局卡辦理未嘗弊端百出久擬  
一概廓清 天心至仁聞者感激第念釐雖病商極其弊不過不樂為商若改增各項民捐等局窮其弊  
且將不樂為民不樂為商猶可別謀生業至不樂為民而其禍尚忍言耶伏惟 聖朝軫念民艱無微不至若任各疆吏變本加厲致令我 皇太后 皇上恤商之美意竟轉為厲民之虐政是恤商僅得虛名  
而厲民反受實禍 竊痛之夫今日需款雖多如果激發天良綜核名實一空積弊並不煩於正供而外  
另立捐條此等情形當早在 聖明洞鑒敢祈預行 飭下各省疆臣仰體 皇仁將來裁釐以後毋輒  
巧立名目增置局員以償其私即萬不得已而間設公局當奏明立案嚴行察核毋得在釐局商捐之弊  
端轉而施之於民以速亂而誤國民生幸甚大局幸甚又奏加稅免釐一事中外大局攸關 朝廷詳慎  
權衡實因除弊以利一舉兩得竊維 宣示中外對臣民言之揭其弊足見 聖主惻怛之誠對各國言  
之明其利可無商約參差之慮恭讀七月二十六日 諭旨釐局辦理不善之弊業已摘發無遺擬請將



加利利益重甲 異命俾共知釐爲國用所關因加稅利益較大始行釐免則免釐之期自當以加稅之日爲準庶各國商約易歸劃一卽各省商民亦不至誤會 諭旨致財紛紜矣 上諭王培佑奏加稅免釐預防流弊各摺片加稅免釐一事迭經飭令劉坤一張之洞呂海寰盛宣懷等悉心籌議釐餉約計加稅之數足抵各省抽釐之數是加稅足以摺抵各省釐金用款該督撫等自當仰體朝廷恤商愛民之至意斷不准任聽劣員巧立名目增設捐局所多方搜括騷擾閭閻倘有此等情弊惟該督撫等是問至加稅原以抵補釐金現在英約業已定議載明加稅免釐開辦之期定在明年冬間仍俟各國一律商定卽以加稅之日該督撫等明白曉諭使商人不至誤會並應豫爲妥籌裁釐地步以免臨時局章也○山東利津縣馮家莊黃河漫口○前浙江巡撫惲祖翼卒賜卹如例○丙申前山東巡撫張汝梅卒賜卹如例○予山東臨濟州孝女徐氏旌表○丁酉 上詣 奉先殿 壽皇殿行禮○以張勳爲四川建昌鎮總兵○諭湖南辰州教案迭經諭令俞廉三趕緊拿匪懲辦並將保護不力之營縣等官降旨革職茲據該撫電奏匪犯張白狗張永汰二名業經訊明正法續獲各犯正在嚴訊並續參文武各員等語前署沅陵縣知縣萬兆莘於謠言流播之初未能認真彈壓統帶數字防營總兵顏武林未能設法保護以致釀成巨案均屬咎有應得著一併先行歸案查辦○戊戌祭 社 稷壇 上親詣行禮○以劉辦通化海

龍等感游匪出力予副將楊佩均等升敘有差○諭前據御史關榕祚奏職官串謀行竊請飭拿辦一摺當經諭令該城御史查明辦理茲據成昌等奏稱屬萬途呈控岳維章乘機偷竊一案業經咨送刑部核辦其案內牽涉之王維舉一員查訪其蹤跡聲明尚非惡劣該御史所參其為屬萬途換照詐取多金因領照之楊昌翰業經物故無從質訊自應取保開釋等語官職司糾彈所陳必有關國計民生方為不與實關榕祚以同鄉瑣屑私情並無憑據之案率行瀆奏實屬不知大體著傳旨嚴行申飭○袁世凱奏國家設官大小相維非第以辨等威亦所以嚴防檢也故民者受治於官而官之小者又遞受治於長官長官不能正己以率屬斯下僚益務媚上而剝民求其弊絕風清必不可得傳曰官之失德寵賂章也近世仕習日壞吏治日偷其賄賂潛通者或當懼於公議忱於人言而不敢公然以婪索其有明目張膽昌言不諱與之而儼為成例取之而不覺其非者則莫如收受陋規一事查直隸道府並四路關大直隸州均有表率僚吏者數屬員之責然惟直隸州尚有禮賦平餘其道府屬除廉俸外別無進款祿入既甚微薄而辦公用度又甚浩繁乃不得不取給於屬吏於是訂為規禮到任有費節壽有費查災查保甲有費或車馬薪水莫不有費此等風氣大抵各省皆然非僅直隸有之雖相沿已久不同暮夜禮甚但平時既受陋規即遇事不無瞻顧設一旦見有不肖之屬吏為上司者欲破除情面據實糾參或往往為其

下所挾持轉不克徑行其志吏治之敝所由來也當此修明內政之時必以整飭官方爲當務之急然平情而論又必須先有以養人之廉而後可以止人之貪使舉所有各項陋規掃蕩而廓清之而不籌給辦公之費則一切應用均無所出勢難責其治理地方現值 國帑空虛誠不能另增公費莫如姑就舊有之陋規爲化私爲公之一法臣通飭道府廳州各將每年應得屬員規費據實開報和盤託出卽按其向來所得之多寡明定等差酌給公費擬定大順順道月支銀一千兩清河道月支銀九百兩通永道月支銀七百兩天津道月支銀六百兩口北道月支銀五百兩霸昌道月支銀三百五十兩保定永平河間各府均月支銀六百兩天津正定順德大名廣平宣化各府均月支銀五百兩東路驛月支銀二百四十兩南路驛月支銀一百三十兩北路驛月支銀一百一十兩西路驛月支銀一百兩趙州冀州深州均月支銀一百兩遵化易州定州均月支銀五十兩其各州縣仍將向來應出節壽等項一律徑解司庫不加耗費另款存儲道府廳區隸州應支公費按月赴司庫請領不准折扣開月不計司庫統計出入如有不敷另籌彌補自此次定章以後各道府廳直隸州不准與所屬州縣有分毫私相授受之事倘敢巧立名目藉端歛派及不肖州縣設計醜獻審試逢迎均准隨時據實稟揭查實後按贓私例嚴參治罪其別經發覺者與受同科如此一轉移間化暗昧爲光明廉吏既不病難爲墨吏更無所藉手長官不必有額外之

籌策自可潔己以正人下僚不敢作非分之鑽營相與奉公而勤職庶幾大法小廉而吏治可期蒸蒸日上矣 上諭袁世凱奏整頓吏治請將各項陋規一律酌改公費一摺國家設官分職原期大法小廉潔己奉公乃該管上司收受陋規視為故常無怪吏治日益頹壞茲據袁世凱奏請將舊有規費責令利盤託出化私為公酌給公費實為整飭官方起見此等風氣各省皆然著各督撫仿照直隸奏定章程將各項陋規一律裁革仍酌定公費以資辦公務期弊絕風清認真考察屬員俾吏治蒸蒸日上用副朝廷實事求是之至意○癸卯山東惠民縣劉旺莊黃河漫口○甲辰諭丁振驊奏知縣虧欠倉米延不解繳懇請旨監追一摺廣西已革宜山縣知縣金文錦交代案內短欠倉米二千三百五十石零迭經勒限嚴催延不解繳懇請旨監追實屬膽玩該革員糾練大興縣著順直及各省督撫查明該革員蹤跡一體緝拿解粵究追並將原籍家產查封備抵以重庫款○丁未諭貽穀著賞加理藩院尚書銜督飭各藏旗將開墾事宜隨時認真妥籌辦理○戊申履親王奕劻大學士王文韶與俄國駐京公使雷薩爾商定交還山海關鐵路條款七條成其文曰大俄國武員將山海關營口新民驛之鐵路交還中國北方鐵路督辦大臣之章程各條今因按照本年俄歷三月二十六日所定之和約現計本年俄歷九月二十六日交還該鐵路於中國鐵路總局之限期將滿因是大俄國駐華欽差全權大臣雷薩爾會同 大清國 欽命

全權大臣便宜行事總理外務部和碩慶親王管理全權大臣軍機大臣文淵閣大學士外務部會辦王大臣商訂各條如左

第一款 俄國國家與中國國家爲交還接收鐵路各特派全權大臣該全權大臣任便揀派幫辦委員必期敷用該全權等會同商訂交還鐵路之次序及各章程

第二款 中國鐵路總局須將俄員預備養路及保護鐵路之各建造及物料均按實價接收

第三款 按照一千九百一年八月二十五日所定議和大概北京留駐保護使館衛兵及直隸省駐守以保護京師至海暢道各兵隊限期之內在山海關至營口之鐵路准俄國兵隊一如各國現得及將來所得在北京至山海關之路各項利益以便更調該隊往返限滿之各兵及新兵營口車站之碼頭准運俄國兵隊及俄國軍實之船應在別項搬運之先儘行專辦

第四款 俄國兵隊在山海關營口之間或自行來往或運軍實亦應按照北京至山海關之鐵路當時之車價一律辦理

第五款 俄國郵政電報各局在山海關車站所用各房間應交還中國鐵路總局准與英國武員在天津山海關所用中國鐵路總局各房間同時交還

第六款 本約第三條載明限期之內營口山海關北京一路所裁鐵路綫桿上安設電綫一節俄國政府亦應照本年俄歷四月十六日英中兩國所定交還鐵路章程第八條各國在北京至山海關所得各利益一律享用辦理

第七款 由北京至營口郵政寄信一事俄國政府亦應按照各國由北京

至山海關一路所得之利益一律享用嗣後俄國信件日多倘需另用火車寄送該鐵路總局應允於一日內備車一輛以便每禮拜日隨需用之車輛數目自北京至中國東省鐵路往返運送俄國應付此車之費不過所定運送軍實之數○己酉予直隸南皮縣烈婦劉朱氏旌表○辛亥諭朕欽奉 慈禧端佑康頤昭豫莊誠壽恭欽獻崇熙皇太后懿旨袁世凱奏請假回籍葬親一摺著俟屆期再行降旨該督生母劉氏著加恩賞給正一品封典用示錫類推恩至意○以剿辦廣東欽廉匪首出力予候補道潘培楨等升敘有差○外務部奏臣部於光緒二十八年二月二十三日准四川總督奎俊咨稱據法商戴瑪德到礦務局稱欲與保富公司設立華法和成公司合辦川省煤油礦務所擬合同經該局司道公同商酌惟購地公司宜加詳慎等因查光緒二十五年六月間礦務局詳請仿照華益公司章程設立保富公司承集中外商人合辦礦務凡有來川開礦者無論何國商人皆歸保富公司備本購地轉給承辦庶事有專責在我足操保地之權在彼亦可杜爭端之漸現在法商議定仍照奏准之保富公司購地另設華法和成公司開辦煤油礦務據保富公司總辦劉慶汾嚴嗣昌和成公司華商總辦李祐洋商總辦戴瑪德訂立合辦草約經會辦礦務候補五品京堂陳光弼駐渝法領事哈士與該公司總辦等同時畫押蓋用礦務局關防給予保富和成兩公司分執並將草合同一分咨送核辦前來臣等查川省煤油礦產素稱

富厚光緒二十二年間土人鍾毓靈私串法人雷達利訂立合同擅行勘辦經地方官查明禁止嗣於二十五年間法領事哈士以雷達利情願不辦讓與法商戴瑪德招集華洋各股開取富順巴萬三處煤油屢向川局索辦經四川總督以富順鹽井為全川命脈所關該處紳民斷不准其開採煤油遵與哈領事商允緩辦至巴萬兩縣如查無鹽井田園處墓窳礙情形自可由保富公司向業主購地轉租承辦當經飭局先繕草據給與哈領事收執並電咨總理衙門在案此次法商戴瑪德請辦煤油原係重申前議既據川省礦務局與該商訂立合同咨送到部經臣等逐條覆核內有應行增損之處當即咨行川督飭局與法商妥為盤訂適該商戴瑪德偕同川省派出之道員林怡游先期赴京向臣部前來面議當將所改各款細與磋商並指出第三款所載富順之地有礙鹽務無論何國均不得前往開採煤油如將來中國官民皆有願開採之意應儘法公司照合同議辦等語請以富順有礙鹽井早經商允緩辦何以合同內復行列入該商以富順為著名產油之區祇冀興辦有期商情樂於從事並非現時即求開辦臣等終以該處既多窳礙未便列入合同預留地步議令將此款刪除以免輾轉再三辯詰該商始允照刪其餘各款字句稍有增減大致尚無出入迭經臣部將先後商改各節電據川督覆核較為周密是彼此意見均屬相同現法國使臣屢催奏請 批准以便該商集股開辦臣等公同商酌此項合同既經與川督往返

商定未便久懸致滋異議相應將改訂合同繕具清單恭呈 御覽如蒙 允准卽由 臣部咨行四川總督轉飭礦務局員與法領事等會同畫押以示憑信得 旨如所請行○乙卯賞給曹濟堂功德林等處煮飯米石○是月比利時國署理使臣賈爾傑回國以萬飛業署理



光緒一百七十六

臣朱壽朋敬編

臣章圭球恭校

九月己未以剿辦廣西南寧等處游匪出力予總兵潘瀛等升敘有差○辛酉諭朕欽奉 慈禧端佑康頤昭豫莊誠壽恭欽獻崇熙皇太后懿旨前經降旨飭令各省調派學生出洋游學以資造就聞近來游學日本者尚不乏人泰西各國或以道遠費多資送甚少亟應廣開風氣著各省督撫選擇明通端正之學生籌給經費派往西洋各國請求專門學業務期成就真才以備任使將此通諭知之○壬戌浙江巡撫任道鎔因病乞休允之調蔣緝縵為浙江巡撫應照為安徽巡撫以潘效蘇為甘肅新疆巡撫○癸亥諭朕欽奉 慈禧端佑康頤昭豫莊誠壽恭欽獻崇熙皇太后懿旨兩江總督劉坤一秉性公忠才猷宏遠由諸生起家軍旅屢建功勳洊封圻克勤厥職嗣簡授兩江總督兼充南洋大臣十餘年來鎮撫地方軍民愛戴辦理交涉悉協機宜前年近畿之亂該督保障東南匡扶大局厥功尤著老成碩望實為國家柱石之臣前因患病迭次賞假並頒給人參藉資調理方冀早得就痊長膺倚任遽聞溘逝震悼良深劉坤一著加恩追封一等男併晉贈太傅照總督例賜卹賞銀三千兩治喪由江甯藩庫給發賜祭一

填派署江寧將軍額勒春前往致祭予設忠誠入祀京師賢良祠並於江寧省城湖南原籍及立功省分  
建立專祠生平事蹟宣付史館任內一切處分悉予開復應得卹典該衙門查例具奏擬卹回籍時沿途  
地方官妥爲照料該督子孫幾人著張之洞迅速查明具奏候旨施恩用示篤念德臣之至意○以周  
浩爲甘肅新驛布政使楊士驥爲直隸按察使○以張之洞署兩江總督端方署湖廣總督○甲子以良  
泰爲鑲藍旗漢軍副都統○丙寅命直隸長蘆鹽運使楊宗邁以三品京堂候補督辦順直機器紡織局  
事務○調河興爲鑲藍旗滿洲副都統以松壽爲正藍旗蒙古副都統○御前大臣明安卒予祭葬賞其  
子福來藍翎侍衛○戊辰諭前據御史徐德沅奏漢侍衛各員請定考課章程當經諭令世鐸等核議具  
奏茲據奏稱值班各項差使擬專就宗室八旗人員挑選充當其漢侍衛各員請分作三班每班以三年  
爲期發往南北洋各學堂學習以資造就等語著卽照所請將在京當差漢侍衛各員分班發往交南北  
洋大臣派赴各學堂學習領測測批講求韜略俟有成效分發各省軍營取材委用其不堪造就者卽著  
徑行咨回原籍務須認真教練隨時考校以備折衝禦侮之選餘著照所議辦理該部知道○撫恤朝鮮  
遭風難民鄭宗武等二十七人○己巳諭前因四川資陽等處有焚毀教堂擄掠教民情事迭經諭令將  
匪犯認真捕拿茲據岑春煊電奏先後拿獲著名大股匪首凌大順何洪春劉全龍及匪黨多名當令將

該匪首暨法嚴懲餘匪分別辦理仍著督飭營團搜捕各屬逸匪務絕根株所有出力各員俟事竣後准其擇尤保獎至賈放凌天順之威靖營哨官都司徐明璣千總毛裕驥管帶縣丞譚長焜業經該督查明一併正法其餘領該軍已革道員周振瓊雖已卸差其平日不能約束縱勇騷擾營亦難辭咎永不敘用並不准投効各路軍營勒令回籍交地方官嚴加管束以示懲儆○諭前據御史王乃徵高拱先後奏參四川藩司員鳳林知府阿麟等及文武各員當經諭令李俊確查茲據查明獲奏調任四川布政使員鳳林精力尙健並無瀆職營私情事應無庸議候補知縣周銘信用門丁被控有案江安縣知縣楊燾苦心術不端巧於謀利候補知縣高汝幹嗜酒失檢任用匪人候補知縣羅楨操守難信物議沸騰著一併革職長寧縣知縣鄒毓珉查無劣跡惟長實現值多盜著另行改調候補知縣魏時瓊勸明竊案未經稟報著交部議處成都府知府阿麟信任家丁致招物議永寧縣知縣楊昱庸懦無能不知振作均已另案革職應無庸議開縣知縣鄧元鑑納谿縣知縣許時中行止均屬有虧著一併革職本任華陽縣知縣鄒放查無貪酷確據著開缺察看留川補用道朱上洲誤收匪徒用人不慎著革去道員二品頂戴以知府歸部選用鹽亭縣知縣王永平罔知檢束曠有煩言著卽行革職其餘文武各員既據奏稱均無不合著免其置議餘著照所議辦理該部知道○外務部奏光緒二十八年九月初二日准軍機處鈔交督辦鐵路

大臣盛宣懷奏正定太原借款興造鐵路另訂詳細合同一摺奉 硃批外務部覈議具奏單二件併發

欽此臣等查直隸正定府至山西太原府鐵路與蘆漢幹路相聯一氣擬請作蘆漢分支經臣部於本年

八月初六日議覆山西巡撫摺內奏請 飭下盛宣懷按照蘆漢鐵路辦法與華俄銀行另訂詳細合同

奉 旨允准在案現據盛宣懷奏稱此段鐵路約五百華里全路工程限三年告竣現與華俄銀行駐滬

總辦熟商計借法金四千萬佛郎克照現在市價約合華銀一千三百萬兩上下九扣交付周年五釐起

息訂定合同二十八款又行車合同十款繕具清單呈 御覽俟奉 旨批准再行簽印飭由該銀行

選訂總工程師並會商山西撫臣馮源大員會同興辦等因並將該銀行所呈地圖暨約估工程價單咨

送前來臣等詳加覆核證以蘆漢鐵路合同其還本付利用人購器一切辦法悉屬相符至訂借四千萬

佛郎克較多於山西商務局原訂合同二千五百萬佛郎克之數經盛宣懷與該銀行再三駁辯當據工

程師覆勘實因該處關山艱阻工費加增且路工未成之先息款須在本銀內支付不得不從寬籌備以

寬全工臣等參攷地圖並查核估價清單其所稱工艱費鉅自係實在情形將來全路告竣如有餘款仍

續還中國 國家其路工應備各款由總公司按期查核合同內均經載明似此認真鈎稽自無虛冒其

餘各款蘆漢鐵路已行之無弊應請准如所擬辦理如蒙 俞允即由臣部咨行盛宣懷與華俄銀行

總辦公同簽押並由山西撫臣派員經理地方事宜以期妥速興辦得 旨如所議行○庚午鄂華熙電  
致外務部據派赴邊防營務處道員張勝騰飛粵粵邊游匪糾合悍黨旬連土匪眾近萬餘於九月初二  
日過河謀撲興義營口圍營抵禦不支全軍陷沒九月初六日興義縣城失陷該匪自闖入縣城後大肆  
焚掠沿途張貼偽示勢將由黔入川職道現在距城三十里之頂效駐紮收集散亡征調團練以圖收復  
等情前來乞代奏 上諭軍機大臣等鄂華熙電奏粵邊游匪圍攻興義闖入縣城大肆焚掠並沿途張  
貼偽示有由黔入川之語黔省兵力較單亟須鄰省援助著俞廉三速派得力將弁統率勁勇千名攜帶  
鎗械赴黔援應銅甯由黔支給並著鄂華熙嚴飭各軍整頓隊伍迅圖收復仍偵探匪蹤嚴防竄擾趕緊  
剿滅毋致蔓延為患所有防守不力之地方文武各官著即查明具奏○諭前據御史吳保齡奏參著江  
蘇阜甯縣知縣王以榮貪酷各款當經諭令劉坤一等確查茲據查明覆奏該員罔利營私貪鄙鄙陋種  
種兇謬實堪痛恨前署阜甯縣知縣江蘇候補知縣王以榮著即行革職發往軍臺効力伊子王畋在署  
納賄招搖著革去文生並將捐案查明一併斥革以儆官邪該部知道○以擊禮泌陽教匪功予總兵藍  
斯明等優敘有差○壬申欽奉 慈禧端佑康頤昭豫莊誠壽恭欽獻崇熙皇太后懿旨禮部奏萬壽聖  
節禮儀一摺十月初十日萬壽在排雲殿受賀其在外之公主福晉命婦著照例行禮餘依議○諭前據

御史靈昆奏參廣東潮州鎮總兵喇德浦貪劣各款當經諭令升允確查茲據查明覆奏該總兵雖無盜賣官米招搖詐贓情事惟僱勇充役約束不嚴喇德浦著交部議處○甯古塔副都統全福因病乞休允之以慶祿為甯古塔副都統○癸酉諭前據袁世凱奏定營務章程於保衛地方一切甚屬妥善著旨省督撫仿照直隸章程奏明辦理不准視為緩國因循不辦將此通諭知之○頒給五城煮賑米石○甲戌諭朕欽奉 慈禧端佑康頤昭豫莊誠壽恭欽獻崇熙皇太后懿旨袁世凱著賞假四十日回籍葬親該督之母劉氏加恩賜祭一壇著河南巡撫派員前往致祭○以吳重熹暫護直隸總督兼北洋大臣○乙亥王之春電致外務部春自出省後先派楚軍參將王榮華馳赴貴縣會同管帶總兵唐友山等分路圍攻二十三日將羅傘嶺大番峒兩處匪巢攻破二十八日春督軍抵貴縣激勵將士乘夜進攻羅傘嶺務觀音山經雲南臨元鎮總兵黃呈祥等於九月初二日一律將匪巢攻破搜出偽印號衣等立時焚燬現在貴縣業已肅清春擬馳赴南甯相機進剿乞代奏 上諭王之春奏剿平貴縣羅傘嶺匪等處匪巢情形已悉該撫進赴南甯居中調度著即乘此軍威嚴督各軍迅將各路游會匪分別剿撫次第盡平務期一律肅清以安民生而除邊患此次出力員弁准其擇尤酌保毋許冒濫餘依議○丙子諭晉善奏拿獲私雕印信要犯送部訊辦並請通飭嚴緝逸犯一摺現在振興商務路礦實為大端豈容奸徒從中

詐騙該犯等竟敢私刻印信包庇工程詐取人財實屬膽大已極所有拿獲之贓物楊國瑞丁壽祿等交刑部按律定擬其在逃之宋問森等各犯並著順天府五城一體嚴拿務獲究辦此等情弊恐他省亦所不免著路礦大臣及各直省將軍督撫預為防緝以杜弊端而維商務○長庚等奏伊犁自收復後交涉事務日繁光緒十三年前著將軍錫綸因中俄兩國邊界歷年積案未辦派員會同俄員清理不用中俄法律訂立條款或罰或賠秉公斷給並令將每屆三年會辦一次曾經奏明在案自光緒二十三年辦過後上年又屆會辦之期經俄國七河巡撫知照駐伊犁俄領事斐多羅福照會伊犁道慶秀祥山等批飭查照成案會同俄領事訂期開辦並分行各屬將該管民人與俄國民人互控未結各案摘敘事由造具清冊移送伊犁道與俄領事先期互換並經長庚照會案倫營領隊大臣志銳酌帶弁兵督同各項辦事人員前赴案營所屬之格依根地方會同俄國七河巡撫所派司牙孜長滿時索伏傳集原被人證於本年四月初一日起開辦至五月初六日止事竣計共辦結積案一千七百餘件經案倫營領隊大臣志銳署伊犁道黃內暇先後具報前來並竊維伊犁與俄接壤中外哈薩克沿邊雜處曠悍成性互相搶竊習為故常兼以訂約通商俄屬各項民人往來貿易種類不一言語不通雀角鼠牙無時不有區處得當固可化為無因應失宜亦虞釀小成大出好與戎鬪豈非淺此次會辦積案案倫領隊大臣志銳才

誠明敏與俄官會商一切悉協機宜用能使彼悅服就我範圍一月之間結案至一千七百餘件似此多而且速尤爲歷次辦理所無洵足矚消邊費益固邦交查會辦中俄積案出力員弁曾經前署將軍銘綸於光緒十四年奏經吏部兵部總理衙門會同核定每屆准保文職二員武職四員此次自應援照成案酌保以示鼓勵得 旨如所請行○丁丑以永定河防堵出力予道員衛杰等獎敘有差○戊寅外務部奏准軍機處鈔交四川學政吳郁生奏請籌提開款選派舉貢生員出洋游學一摺光緒二十八年八月初九日奉 硃批外務部議奏欽此查閱原奏稱學堂興設之難一曰無款一曰無師二者相衡師範較難而通知西學者尤難蜀地偏僻乏才更甚自去歲奉 旨選派學生出洋風氣漸開士知墨守爲非各屬舉貢生員等於省城創設游學會擬集資并就學東瀛期於速成師範爲學堂教習之用合詞具稟請爲立案並籌給津貼前來竊維川省夙稱富庶風俗尙樸近則添埠通商開礦造路等事相逼而來豈豈者絕不應生計之將日感猶復輕聽謠言妄想排外不開通其見識則禍患方滋開通見識在乎興學興學必先求師範會通中西在乎游學游學必先取高材惟事久費鉅資士既無其力公家亦艱於用再四胸維祇有就地籌款化私爲公之一法查川省各州縣多有紳富捐設學田津貼應試文武生童現在武科既停歲有閒款併爲一用聚則見多約計每年可提數千金又中富之邑津捐資興等局時有贏餘



文昌宮各廟等會向多獻費或酌提奇零或協助仗助大縣中縣歲籌二三百金當尙不難此二項撥分飭各屬按年清解名爲游學經費彙存鹽道庫候撥學政衙門但任籌備不啻收放以清界限此籌款之大略至選派學生出洋歲以十人爲限學以三年爲期前者畢業後者繼往專取舉貢生員志趣純正中學已優者由學臣選定再由游學公會紳董出具切結方予批准按年給費並咨明使臣照料如出洋後不知自愛行止乖謬由學臣查確撤回分別奏咨革懲其學成得有憑照回籍者並遵 諭旨照派出學生一體考驗獎勵惟應先在本省充當教習三年由學臣考驗合格者再行咨送外務部此選派之大略如奉 旨允行再詳定章程咨送外務部存案等語 臣等查學生創設經費既苦難籌師範亦非易得今該學政擬就地籌款化私爲公選派志趣純正中學已優之學生出洋就學歲以十人爲限學以三年爲期前者畢業後者繼往學成先充本省學堂教習三年再行咨送考驗獎勵等辦法款出衆舉不糜公家之費師能自得免借異地之才一切尙覺尙妥可見施行果能辦理認真將來成就者衆學堂不難營設人才益見蔚興應請 旨准照所擬卽行試辦並請 飭下該學政將籌款選派各章程詳加釐定咨送 臣部擬敷立案得 旨如所議行○己卯諭御史黃昌年奏申明籌章嚴督年限一摺向來刑部秋審例有看語招册分送各衙門悉心校勘近來積漸因循往往遲至會鞫前一二日始行分送殊屬稽延嗣後

著照道光五年議定成案依限辦理至各衙門公事並諭旨特交之件亦有一定程限著各該堂官及各  
省科撫認真稽核隨時奏結如有書吏延擱從中舞弊等情卽著嚴行究辦以儆效尤而懲玩泄○鄧華  
熙電致外務部據道員張勝嚴稟游匪自闖入興義後初六至初十該道與匪無日不戰互有傷亡十一  
日約同團營管帶劉官禮并力攻擊適滇中援軍亦至遂將屯紮下五屯之匪營掃清並奪回七星廟將  
登山觀音閣等處要隘匪等奔潰入城十二日黎明該道懸立重賞揮軍猛進親督鎗彈督令攻擊匪等  
見勢不支卽放火焚燬房屋由南門奪路遁走遂將縣城克復現仍派營跟蹤追剿乞代奏 上諭鄧華  
熙電悉仍著督飭各軍將竄出之匪跟蹤追剿務期盡數撲滅以靖地方○予故承襲侯爵四品京堂李  
經述列入國史孝友傳○庚辰盛宣懷奏臣於光緒二十八年二月報銷總公司蘆保鐵路工款收支摺  
內聲明另案奏辦淞滬鐵路撥支官款隨後接續造銷各清各款等情經外務部核議照准陳奏 旨  
依議欽此欽遵在案伏查風氣流行視鐵路爲推廣華洋輻輳以上海爲樞紐此後接於蘇甯通輪津銀  
西北供億取諸東南惟收效爲至閔故造端尤宜審通商總埠租界雜居地值昂昂日增月盛鐵路爲萬  
國通行公例教地洋產不容稍有扞格計自上海車站起經靶子場江灣鎮張華濱以迄蕪湖漢源南山涇  
止行車正路連同往來相避岔道接長軌路四十六里八成四分內造鋼橋六座大小水溝涵洞二十一

道洋式車站五處此外轉盤水樞機廠車廠以及推關馬路分布道房爲各國觀聽所繫均未便稍從簡  
率臣延訂德國工程師錫樂巴派委江蘇候補知府蔡國滄分任辦工購地事宜凡外洋料件照章開標  
定價擇廉訂購匠工研資並內地採辦物料悉令華工員會同簽字呈候考核行車以後中外翕然稱頌  
利便所收車價逐漸增多此段鐵路原議築至吳淞燈塔爲止下建深水碼頭展番船塢雲屯轉輪鑿捷  
祇因其時自開商埠察度吳淞商務未能遽臻繁盛總公司撥領官款以注重鐵路爲亟不敢另請部撥  
上煩 宸廑其測量標桿以內除吳淞官塘灘地八十餘畝尙須咨商南洋大臣撥歸路用外其餘蕪蕩  
濱北應備建造機廠地基悉已宣籌預購目前正在架橋過河接展軌道所用經費自應另案附銷以清  
起訖未使因正路已成稍涉延緩據總公司購料處道員朱寶奎工程司知府蔡國滄等督同總分局造  
冊交委員核造淞滬鐵路四柱收支總細各冊開具簡明清單列總公司第二起報銷詳請奏咨核辦前  
來詳加覆核其舊管項下上屆結存庫平銀三百八十四萬九千一百十二兩九錢三分四釐九毫新  
收項下截至光緒二十七年十二月止車脚進款合庫平銀十六萬八千二十八兩九錢九分一毫管收  
兩項實合庫平銀四百一萬七千一百四十一兩九錢二分五釐開除項下購地造路置備車輛棧路炭  
修共計六十四款實支庫平銀一百二萬二千三百八十七兩八錢二分餘存官款二百九十九萬四千

七百五十四兩一錢五釐內先經奏准預支漢廠軌價藉杜洋軌漏卮除造軌作抵外結至光緒二十六年十二月止漢廠實預支總公司軌價一百三十一萬九千六百餘兩應俟隨後分起接續造銷以清款目除清冊咨部外謹援前案繕具清單恭呈 御覽仰懇 天恩飭下外務部戶部暨路礦總局查核准銷得 旨該部知道單併發○盛宣懷奏 前准戶部咨本年江浙漕糧統歸招商局輪船承運費應力從減省等因即轉飭招商總局前福建臺灣巡撫嚴照前直隸通永道沈能虎儘先候選道鄭官應自行會同各商董悉心核議去後茲據該局員董聯銜稟稱輪船運漕費用繁重自停給修贖一項每屆墊支修費甚鉅又二成免稅一項亦經奏明全數報効每屆更無可彌補統計運漕水脚並保險等費在內每石已減為三錢八分八釐一毫開銷各項實屬不敷遠庚子梓遭匪亂天津塘沽局棧均為洋兵佔住員董等不能辦事祇得由英商仁記洋行代辦一切駁船扛力比較平時所費尤鉅現今天津交還用項能否酌裁尚無把握奉飭後遵與在局各商董籌議再三力求撙節惟本屆火車因造岔路遲至五月始行開運漕糧存滬日久折耗人工裝卸僱價尤昂其運費實屬無從核減擬請自光緒二十八年各漕起於向章每石輪船水脚保險等項漕米銀三錢八分八釐一毫內減去五分計每石漕平銀三錢二分八釐一毫永為定章不再核減並懇奏咨立案等情前來臣查上海低窪之地漕米向係冬收春運近兩年因

事撥擱滯局輪船起運太遲棧耗既鉅及運至塘沽又因洋兵未退費用倍於尋常二十六年二十七年兩屆招商局所領水脚不敷所出係屬實情本屬蘇漕太古洋行遠行減價攬運爲便奪權初起見是以英國日本議訂商約均欲將漕運列入約章等與外務部江鄂督臣電商未允所請查洋公司所收尋常商民運米水脚自滬至津每石銀三錢七分零或增或減隨時漲落該洋行何以獨於漕米願減水脚可見別有隱衷招商局爲中國公司經前大學士李鴻章屢次奏准漕米軍米悉歸該局承運亦有深意臣此次詳察中外情形官商兼顧按照招商局員董公同稟覆自光緒二十八年冬漕爲始每石運費核減五分比較裝運商米價已輕減尙屬急公合無仰懇 天恩飭戶部立案施行除分咨江蘇浙江督撫臣查照外所有招商局輪船承運漕糧遵飭核減水脚緣由謹繕摺具陳下戶部知之○盛宣懷奏強國之道必先富國歐洲多以開礦致富而中國礦產尤爲繁盛歷來成見拘泥或官禁或民禁精華秘而未發此天之留以畀我 聖朝蔚成中興之業實不可假手於人者也近今風氣始開知礦務不可以終遏但迫於時局礦權利幾不能由我自操於是海內寶藏之區輒爲他人攘而有之或因案交涉一入條款而某省之礦輒歸彼國矣或被人勾引一給字據而某府州縣之礦產多屬他商矣外務部鑒於前弊重訂章程無論華洋商皆可承辦礦務均須先稟外務部俟批准後方可爲准行之據原款於推廣之

中竭力設法限制開外國頗以准其用購地畝自行舉辦爲喜而尤以抽稅過重爲憾臣於去年五月曾接准軍機大臣電告礦務所關甚鉅誠如所論亟宜以開爲守各國合式律例望卽擇要採取其應如何抵制之處亦望熟籌電知以便核議諸 旨辦理等因嗣英使馬凱來讓商約內有礦務一條臣等以事關內政拒不入約到鄂後馬凱猶堅持礦事有關商務必欲列入商約以慰英商之望臣思要在保我地權方能以開爲守督臣張之洞頗以爲然當臣等會商允於一年內自行將英國印度連他國現有礦務章程迅速認真考究採擇其中所有與中國相宜者將現行章程改修妥定以期主權無礙利權無損並於招致外洋資財無礙於礦商亦不致有虧等語美國雖甚和平亦索礦務條規並密告臣曰中國地產之精華將悉爲各國有矣查美國亦當分沾其益蓋歐洲觀視中華礦利極想一網打盡按照英約一年內自行修改若不預爲商辦恐臨時局章藉端要挾仍不免墮其術中臣既奉軍機諭詢在前又身在議約大臣之列晝夜焦思悉心討論中國既無辦礦之人才又無開礦之資本自李鴻章等議辦礦務以來合南北計之集中國資本師西法開採以見成效者僅有開平大冶萍鄉三礦而已開平以李鴻章北洋大臣之魄力唐廷樞一身之苦心孤詣越二十年而始成之然一經變亂已爲外人乘機攫取大冶萍鄉一鐵一煤互相濟用臣與張之洞先後持堅忍之力經營締造勉力圖成萬里版圖祇此兩礦良可

慨已其他無窮無盡之地寶若不早為設法保全一聽外人明取暗奪數年之後盡屬他人將來中土人才輩出能自舉辦而產礦美地已非我有徵諸五洲大邦斷無如此辦法然默究其所以不能自辦之故以辦礦之人才非十餘年不能造就開礦之資本非數百萬不能動手若必欲強華商自辦誠如外務部所言斷中必仍是句納外人輾轉售與矣卅年來訪察中外情形終欲思一補救之法斷非空言大旨所能濟事而必量我極力財力所能辦到惟有將民間產礦之地由公中籌款自購力爭先著而已然欲得知何地產礦必先有人代為選礦而後可行三十年前德國有一地學師勤妥芬徧查各礦著為圖說近來各國謀辦礦者遊歷內地或以教士出名或以華人出名購得各省礦地已屬不少甚有一洋人而購數十礦者近日上海武昌均有洋人設立驗礦廠凡內地覓到各礦均歸代驗彼已布置齊備而我仍漠然置之真可為天下後世所痛惜今當掃除空言力求實事提綱挈領以保地權亟宜設立勘礦局遴選地學師勘明何地實在產礦自行購買以歸中國公司事機已迫萬難再遲且不揣鄙陋一面諄勸各省紳商先籌華股本銀一百萬兩擬在上海設立開礦總公司去年兩商出使大臣羅豐祿訪求頭等地學礦師一年之久始得一人名瓦里士布魯特每年薪水英金二千鎊一切用費在外羅豐祿交卸後卽由張德賴代訂合同已於八月內到滬臣親與考究其礦學確係諳練地學在歐洲專門勘驗礦地與尋常

祇知開礦之學者不同。已飭令先往湖南省勘查各礦。先行電商撫臣俞廉三。深以此舉為保礦善法。一面函商各督撫派員赴各省預查產礦處。所再行陸續派往勘驗。無論出產煤鐵五金之地。可資開採者。即與地方官妥定公平之價。由局購買。再令該礦師將所勘之礦。擇尤繪圖立說。某礦應如何開辦。約需資本若干。能獲餘利若干。分作等差編立字號。再行次第招商認辦。俟外務部路礦總局議定新章務令遵照。欽定礦例辦理。所有助礦公司。購到礦地編號之後。如有合例商人承辦。即當會同該省督撫咨明外務部路礦總局。請給牌照。方准開辦。以爲中國所有者產礦之基地也。我國所無者。開礦之資本也。我能守我之地。不爲他人所奪。將來以我礦地。或作資本。或採租息。皆當權自我操。總之礦商之利。外人不妨共之。而地主之權。中國當自守之。亡羊補牢。尙未爲晚。曲突徙薪。豈容再誤。下外務部戶部知之。○辛巳。袁世凱奏。前准外務部咨准。行在戶部撥稱各關界限。應照全權大臣所議。常關分局在五十里以內者。歸併稅務司兼管。仍由監督派員。隨同經理。咨行飭遵等因。現在天津常關歸併伊始。自應詳擬辦法。以期周密。經臣札飭津海關監督唐紹儀。遵照妥議。在案。茲據該監督詳稱。天津常關歸併稅司。職在公約。自應遵辦。惟應由該監督派委幹員一員。隨同稅司襄理一切。其關內所用人員。未便任意去留。擬由稅務司先行商明監督。秉公酌定意見。相同方可施行。至通商埠岸如須參用洋人。應由稅



務司會同監督妥慎選擇在埠岸以外各口一概不用洋人免與內地商民有所隔閡其所用洋員倘有  
人地不宜辦事不妥亦應由監督商明稅務司卽行調撤以期得力又查從前各國都統衙門所徵內地  
稅課暫行按照進口稅則減半抽稅現在天津收回常關已復仍遵戶部常關稅則徵收以符定章所徵  
稅課統由稅務司經收移道存儲備撥賠款要需其常稅項下除總稅務司札飭稅司提出一成作為常  
關經費外查歷年北洋大臣衙門暨關道督常年辦公並洋務商務各費向在常關稅課項下開支現雖  
歸併稅司前項仍應出自常稅亦擬提出一成撥解關署另款存儲以資辦公等情前來臣查津海關常  
稅關係賠款要需應責成監督會同稅務司認真稽徵所擬辦法尙屬周妥其請提公費亦事所必需應  
請准如所擬辦理下外務部戶部知之○壬午以唐景崇爲工部左侍郎張翼署禮部右侍郎○命直隸  
總督袁世凱充督辦商務大臣與張之洞會同辦理並會議各國商約事宜○命候補四品京堂伍廷芳  
充會辦商務大臣並會議各國商約事宜○癸未調張翼署工部右侍郎郭曾炘署禮部右侍郎○甲申  
調夏毓秀爲湖北提督蘇元春爲廣西提督○丙戌盛宣懷奏自光緒二十六年拳匪倡亂畿輔電綫首  
先被燬南至津沽北至張家口西至保定東至山海關千餘里同時拆燬南北梗阻人心皇皇未幾聯  
軍入都乘輿西幸洋兵佔踞京津先設行軍電綫而我軍電文報旁午絡繹徒恃驛遞輾轉濡延加以

全權大臣入京議款機密重要尤賴電傳四達消息靈通其時各國官商軍民旅居京津者傳遞外洋各報初用快艇送至煙臺轉電彼國繼乃說合大北大東水綫公司由大沽至上海自設水綫以便直達業將機器料物運屯香港勢在必行臣探聞此信益用焦灼若聽其自設不特和戰未定之時彼靈捷而我隔閡相形見絀且事權一失利益隨之竊慮中外接綫之界限臣所斷斷於不棄者一旦盡撤防閑其妨礙於一時者固多而關係於他日者尤大用是傳集各商董一再從長籌議取謂津沽一隅盡爲外人佔守卽欲迅速修造規復舊制其道無由反復詢謀計無所出臣彈思竭慮幾廢寢食默念大北大東兩公司與電局共利有年自訂齊價合同本有互相維持之約今衆西商雖有自設水綫之議大北大東兩公司實操其權不如因其所圖移爲我用然非聯之以情餌之以利事必不諧遂一面密商全權大臣故大學士李鴻章一面卽派電局參贊道員朱寶奎同知周萬鵬等授以機宜令與該公司駐滬總辦委婉陳說辭焦舌做始禮轉圜維時和議未成京津洋兵嚴守軍律若偵知此舉勢必多方阻撓復商令大北大東九假洋公司之名密將已備水綫料物售歸電局仍由該公司代爲安設緣此周折該公司益復居奇故昂其值計自大沽繞煙臺至上海水綫一條需價英金二十一萬鎊約共合銀二百萬兩左右當以事迫燃眉無從令其貶價維 朝廷多事之秋旣不敢以籌款上煩 宸廩而華民又值彫敝之際電商魄

力未雄似此鉅資何能咄嗟立辦因念該公司志在牟利又與熟商將該款作爲憑借以所設水纜作抵  
每年五釐起息分三十年攤還清款歸纜商借商還遂於是年九月密訂合同分執信守又其時京沽陸  
纜不通地非我轄勢難修造不得已再出重價購料鳩工復由該公司商允各國聯軍從大沽代造陸纜  
以達京師並分設京津兩處電局暗中仍由英派委員學生司理電報由是 行在與京師消息貫通幸  
無阻礙亦無漏洩並與密訂合同載明俟和議告成地方平靖即交還電局自行管理乃該公司自恃有  
德於我不免時形要索迫和議大定而京津遺纜之約英俄兩國互相掣肘種種推延經再三辯詰派  
員理諭積釐盈寸閱時經年迄無就緒現由英咨請外務部與英俄丹國駐京使臣磋商商酌一面與該  
公司坦懷相示理喻情商允以交還全纜之後將京至恰克圖陸纜借給大北京至大沽陸纜借給大東  
各一條俾通出洋電報幸獲持平了結應俟另訂合同簽押後即可收回京津總局以符原議綜計此舉  
曠時積日勞精敝神首尾二年乃有約束追維籌議之初事機萬變閭不容疑從權辦理實出於無可如  
何幸賴衆股商深明大義合力同心不惜鉅資與茲要舉復以旅順威海膠州青島等處各國相繼自設  
水纜以達煙臺深恐其接至天津則我所造海纜又難自立且大沽至煙臺一纜本屬不敷傳遞故又添  
設沽煙副纜共需英金四萬八千鎊約共合銀四十餘萬兩亦於是年十二月訂立合同悉照前議辦理

以上各借款每年分兩期撥還計歲開本息銀十五大萬兩兼以水纜修費十億於陸更須達半萬萬計詳核電局度支歷屆出入本無贏羨今則進項未能驟旺用款業已銳增移緩就急酌盈劑虛無非股商膏血在微臣力圖補救董勸兼施分所應盡而眾商力顧大局急公奉上之忱實有不可泯沒議者勸謂中國商人自營私利不顧公家之益臣愚以為華商力微志小固於積習無怪其然然使在上者竭力扶持平日以信讓交孚臨時以尊親相勸縱不能如西商之投匭千萬遇有緩急當必勇於輸將即如此次電股各商羣為其難亦其明證惟補苴有待既相與維持於今日不能無冀望於將來幸際 朝廷振興庶務首重恤商惟有仰懇 天恩俯念電商為國家大局起見集資宏鉅守業艱難優予格外維護勿使中道蹉跌方能責令清償借款不至上累公家電商幸甚臣幸甚下外務部知之○賞給通州王恕園煮鹽米石○是月日本國使臣內田康哉回國參贊松井慶四郎代理尋回任

冬十月丁亥朔日有食之○時享 太廟 上親詣行禮○上御乾清宮韓國使臣朴齊純覲見○外務部奏光緒二十八年八月二十一日准軍機處鈔交專使大臣載振查覆日本游學生聚眾情事摺內奏稱游學一事實為黨務之急斷難因噎廢食自遇生機應否 飭下管學大臣遴派總監督與日本政府商訂章程妥為調議之處出自 聖裁等語奉 硃批外務部知道欽此欽遵到部臣等查近來屢奉

詔飭各省邊浪學生出洋肄業並准自備資斧前往士皆說奮於學不憚賈度出游日本地近實省趨之者尤眾其官派學生各省或有委員監督或無委員自費學生則自保送入學後並無約束情誼既難聯絡規制亦未整齊出使大臣雖有稽查照料之責而交涉事繁氣勳實難周到該學生等分疏勢隔且慮下情無以上達一涉猜嫌轉生輻輳自非特設專員總司其事不足以端正趨向策勵通才仰副 朝廷作育養成之至意此次載振過日本時見其外部大臣小村壽太郎即以選派博學愛才之人充總監督駐紮是邦為荷 臣等屢晤日本駐京使臣內田康哉及其高等師範學校長嘉納治五郎來京皆述游學生各節望中國派員監督妥訂章程俾各學生免誤方向學業有成以備將來任用其詞意俱甚切摯聯友邦維持之誼慰多士仰望之心實成尤在得人造就方有實效 臣等公同遴選查有四品銜 臣部員外郎汪大燮品端學裕器識夙通隨使出洋辦事妥洽於日本游學生情形尤為稔悉擬請派為總監督前往駐紮所有官派自費各學生統歸管轄合商日本外部文部參謀部安定章程隨時認真經理遇事徑達 臣部應請將該員 賞給卿銜由 臣部刊給木質關防一顆文曰 大清管理赴東洋游學生總監督之關防以昭信守准其酌帶隨辦文牘及繙譯共二三元所需薪水用項每歲准支銀二萬兩由出使經費內提撥三年期滿再行奏請更換隨帶人員屆時照出使章程請獎如蒙 俞允卹由 臣部欽遵辦理

上諭外務部奏請派日本游學生總監督一摺外務部員外郎汪大燮著賞給五品卿銜派充游學日本學生總監督所有游學各生均著歸該員管轄務即認真經理督飭切實講求以端趨嚮而宏造就餘著照所議辦理○己丑諭湖南辰州府城痞匪聚眾滋事毆斃英國教士胡紹祖羅國全一案前據原屬三電奏業經降旨將沅陵縣知縣陳福年辰州營都司劉良儒駐防教士旗營將張耀魁前署沅陵縣知縣萬兆莘統領教士防營總兵顏武林等一併先行革職歸案查辦茲據該撫奏稱此案初起時驅教士從福音堂逃出徑投城守衙門都司劉良儒閉門不納以致該教士被毆斃命總兵顏武林當痞徒聚眾往打教堂從該總兵門首經過若罔聞不往保護知縣萬兆莘卸任在即有心推諉該言初起不能立行禁止以致釀成巨案其餘各員或保護不力或防範未周均屬罪有應得等語胡廷慎重邦交迭經降旨嚴飭各省地方官於所屬教堂教士實力保護不啻三令五申乃辰州府又出此重案該處文武各官事前既未能預防臨時又復坐視不救殊堪痛恨核與尋常保護不力者不同自應加重懲處即著照該撫所請將已革辰州營都司劉良儒卽行正法統帶教士營總兵顏武林定為斬監候參將張耀魁桂陽營參將趙毓川均革職永不敘用辰州府知府吳桐璽革職永不敘用並流五年已革沅陵縣知縣萬兆莘充發極邊永不釋回以示懲儆而昭炯戒餘著照所議辦理○諭軍機大臣等本年四川南充等州縣

災區甚廣欽奉 慈福端佑康頤昭豫莊誠壽恭欽獻崇熙皇太后懿旨撥銀三十萬兩交該督核實賑濟並准將新舊捐輸酌量減免復因冬賑春撫爲日方長非有鉅款不足以資接濟准開辦減成賑捐俾資急用又諭令將義賑餘款十二萬兩儘數撥解該省開辦冬賑以惠窮黎惟念來春青黃不接之時民力未免拮据著傳諭該督撫等體察情形如有應行接濟之處卽查明據實撥奏務於封印前奏到俟新正降旨施恩此外各該省有無被災地方應行開捐撫恤之處著該督撫等一併查奏候旨施恩○兩廣總督陶樸卒予祭葬贈太子少保銜諡勤肅賞其子陶葆廉員外郎孫陶晉同主事○壬辰賞給京師八旗綠步各營官兵等半月錢糧開散宗室覺羅人等一月錢糧○癸巳 上詣 奉先殿 壽皇殿行禮○甲午趙爾巽奏管省邊外各屬今昔情形變遷幅員日廣歷經升任撫臣岑春煊於兩次請賑蒙地摺內聲明擬增駐民官卽以內地太原汾州各府同知移改均先後奏邀 聖鑒旋又奏仿照吉林雲南成案優定各屬屬邊俸升階以示鼓勵亦經奉部核准各在案奴才伏維理民之道察吏爲先設官之規因時爲要管省邊外各屬在雍正乾隆建置之初豐鎮寧遠兩屬僅管鹽川寧朔諸衛所地歸化五屬僅管土默特一旗地計一廳地面廣者不過百數十里狹者尙有不及是以治理較易自察哈爾牧界議開荒凡隸右翼四旗者民衆穡賦詞訟均歸豐寧兩屬經理自烏蘭察布伊克昭兩盟牧界私租私墾日多

凡寄居漢民詞訟皆歸薩各廳審理疆域日拓事務日繁奴才詢之僚屬設之圖籍鹽鎮邊通直境多  
倫諾爾各廳薩拉齊邊通阿拉善旗境跨涉蒙疆有六七百里千百餘里不等任斯土者皆有查察不及  
防範離周之患自非分設廳治未易收長治久安之效考其故約有數端鹽鎮各廳所屬村落遠者距  
廳或六七日或四五日微賦聽訟皆至就延查閱各員慮腹有謂訟案積弊需員襄理者有苦照顧為難  
稟求交卸者前黑龍江將軍文緒奏呼蘭分廳摺內言廳員方急南轅復愛北轍分身無術枝節橫生營  
之邊廳務殷事棘亦實類之此宜分治者一邊外邊關衛戶雜處駁回錯居有民無官漸同化外土棍地  
豪爭相雄長弱肉強食視為固然加以馬賊游匪不時出沒編戶之保甲不行兵役之防緝不密盜風之  
熾甲於全營揆度其本由於官力難及伏莽遂滋昔奉天東溝吉林金廠皆以無官撫治釀成鉅亂邊疆  
情形大類奉吉不謀分治將成亂墉此宜分治者二邊外教堂教民租墾甚廣坐落不一全賴地方官隨  
時撫輯遇事解諭方弭怨嗔不敢爭端今則相距過遠情勢睽隔平時不能安輯於先臨事乃圖防護於  
後得失難易判若霄壤庚子之禍強半由此此宜分治者三瀚查奉天吉林各省近以地關民聚情形變  
遷節經前將軍崇實銘安等請增設郡縣督轅 恩准吏治民風因之大有起色督省事同一律自應援  
案於鹽鎮廳之二道河歸化廳之大灘薩拉齊廳之大余太各移駐同知一員實邊廳通判改設同知一



員所屬之科布爾即以通判移設除原有通判一員外計共移設同知四員擬請以太原汾州澤州蒲州四府同知移駐均歸歸綏道管轄該同知等所管礦務水利公事甚爲簡少且查係各地方官應辦之事應仍責成該府縣經理二道河科布爾即以原設巡檢管司獄事大灘及大宗太應查內地備巡檢移駐管司獄事俸廉均支原缺銀數衙署監獄各項經費均在新收押荒項下動支其餘劃界址定缺分及一切未盡事宜統俟分治奉准後再行飭司議詳辦理又查邊外各屬前因地廣務劇經前署撫臣奎斌議移巡檢前撫臣剛毅議駐文員風會所趨已開增置總治之漸卽如東南郡縣恢自吳晉九邊郡縣復於國朝歷來郡縣之增併無不隨時勢爲轉移今各屬緝教防匪動關緊要命盜詞訟數倍尋常能吏廉吏皆苦練手現擬分屬移官各節係因地因時酌籌辦法冀上於國無增祿之費下於邊得治事之官庶於地方不無裨益合無仰懇 天恩俯念督省邊外治理關係重要 飭部核覆分設總治以澄治源而弭隱患之處出自 逾格鴻施得 旨政務處會同吏部議奏○丙申 慈禧端佑康頤昭豫莊誠壽恭欽獻崇熙皇太后萬壽聖節 上率王公百官詣排雲殿行慶賀禮○庚子呂海寰等奏 臣海寰 臣宣懷先後奉 旨派令釀辦商約並著前兩江督臣劉坤一及 臣之洞會商籌定接准英使馬凱開送商約二十四款 臣等悉心查核所索無一非損我利權將必不可允各款立予嚴詞駁拒擇其無大關係者

徐與磋商俾得從容籌計而馬凱開議後動以和議大綱第十一款中國已允商改利益爲要挾其用意尤重在豁除釐金開通商務等一面往復電商皆以加稅方能免釐爲商約主腦尤須自行籌定扼要辦法庶不慮有喫虧復電商軍機處外務部戶部亦謂機不可失遂向其明索加稅允以裁釐將有關稅釐各款屏不與議堅持定見操縱互施彼爲商論阻撓故允而復翻議而復改者不止一次臣海寶臣宣懷終不敢放鬆一步五月杪復邀同馬凱偕赴江鄂與前督臣劉坤一臣之洞共籌抵制協力辯爭彼見無可要求勢漸窮蹙計已磋商八閱月之久聚議六十餘次之多舌敝唇焦不遺餘力所有籌議加稅免釐一款於未定議以前經臣海寶臣宣懷專摺詳悉奏陳於定議以後前督臣劉坤一與臣之洞復合詞電奏及奉 旨責令前督臣劉坤一臣之洞切實遵辦從長酌議亦經單銜分別奏覆仰荷 聖明允如所請此外各款均經臣等隨時會電具奏內惟第十款內港行輪續經妥定章程第十一款通商口岸權利共議列三條馬凱自行翻悔堅請刪除係由前督臣劉坤一臣之洞邀 旨再行詳慎籌商電臣海寶臣宣懷與馬凱再四妥議會奏請予照准統核馬凱索請二十四款駁拒未允入約者七款曰洋鹽進口曰內地僑居貿易曰郵政電報曰設海上律例曰整頓上海新衙門曰口岸免釐界限曰貨物同在一河免復進口稅釐定後而又刪除者一款曰通商口岸利權歸入加稅免釐款內併議藉爲抵制者五款曰

新開口岸曰減出口稅曰三聯單曰子口單曰常關路新關管理允改妥者十一款曰存票曰國幣曰廣東民船與輪船納稅一律曰華洋合股曰整頓珠江江曰推廣關棧曰保護牌號曰加稅免釐曰礦務章程曰內港行輪曰穀米禁令此就馬凱原送款目而分別准駁刪改歸併者也臣之洞等復向馬凱索議彼允入約者三款曰治外法權曰籌議教案曰禁菸啡鴉皆我補救國計民生要圖幸就範圍實有裨益馬凱於定議後復補請入約者兩款曰修改稅則年限曰約文以英文為憑核係查照舊約辦理為約中應有之議共計十六款其時臣海寰等接馬凱來函臣之洞等接馬凱來電皆稱七月二十七日定期起程回國臣之洞等電留不允並聞英商多以此約無多利益國謀阻深虞中變是以先行會電具奏並將全約款文電達外務部代為進呈欽奉七月二十五日電 旨昨據劉坤一張之洞等電奏與英國使臣馬凱議定商務全約等語既據該督等會奏稱屢經妥酌定議即著呂海寰盛宣懷就近畫押仍將各條與劉坤一張之洞悉心詳核辦理一切務臻妥密倘有後患惟該督等是問欽此當即欽遵照會馬凱去後馬凱又因約內附件應照原議恭錄會奏加稅權補裁釐辦法原奏及所奉 諭旨照會載入方能畫押七月二十六日欽奉 明降諭旨一道馬凱閱後以加稅權款字樣尚難解釋各國洋商疑慮堅不肯押臣海寰 宣懷再三開導竭力磋商始與馬凱商妥不必將 上諭刊入約草僅將七月十九日

會奏及奉 批准日期作為附件較為得體並傳 臣之洞之意慰留緩行旋奉七月二十九日電 旨劉坤一呂海寰等電奏悉所有十九日電請旨一節仍著黃成劉坤一張之洞妥酌如果別無用意確無流弊即行傳旨著照所請欽此等因當經前督 臣劉坤一 臣之洞查明馬凱所請加稅之款意在不得抵原撥撥金五百萬以外之洋債賠款及挪作別用恐各省再在貨物收捐業已先後奏明此外似別無用意亦無流弊遵即傳 旨著照所請 臣海寰 宣懷於八月初一日奉到即知照馬凱本定初二日畫押馬凱又接英廷來電必欲增敘詳明以慰加稅洋商之意並接駐英使 臣張德彝來電亦稱英外部謂擬加之稅務須 明降諭旨歸督撫提用否則不敢畫押等語似英廷語意總慮稅加而釐不能撤 臣海寰 宣懷詳細審度彼來照會雖請全數撥還各省而內敘各省向解北京及應還洋債仍如數照撥我復照會聲明應撥各項即留存海關聽候戶部與各省商定抵解將來戶部如何商定派撥劃抵由我自主彼亦無從過問且現贖賠款易金還銀正以我財力竭感為言則加稅聲明只抵籌盤不涉賠款可見釐無盈餘藉可杜各國之口似此辦理匪獨於我無損實於我有益畫押已延多日仍恐別生變故即於八月初四日亥刻會同英使馬凱在上海畫押蓋印業已先行會電具奏在案伏思戰後立約彼既要求多端萬不能一無所允然允則於彼有益於我即屬有損此理之顯而易見者 臣等不得不權其輕重設法挽

回但能補救一分即少受一分之虧損等受 恩深重敢不竭盡心力會商妥籌惟期有裨 國用無  
害民生一己之毀譽在所不計固不敢畏難遷就貽患將來尤不敢瞻顧欺蒙稍涉粉飾綜論全約利益  
彼此似尙得其平此西報嘗謂馬凱所由來也即如日本近甫開議口岸加稅兩端均未肯如英國所議  
但求各國皆無異言能悉如英約所載各款而行則此次商約尙無損虧商務可期進益然非仰賴 聖  
謨訓誨周詳曷克臻此至核對華洋文一事極關重要 臣海寶 臣宣懷皆不識洋文誠恐原派編譯之道  
員陳晉育及知縣溫忠堯或未能詳盡復添派精於洋文之郎中李維楮知府伍光建漢口稅務司龔繼  
理各就英文編譯向來條約以洋文爲憑必須漢英文一律方免日後爭論並電請外務部飭派候補五  
品京堂曾廣銓來滬按照各該員所譯漢文逐加校對定以質難理譯本爲準因該稅司係 特派隨辦  
商約之員是以照辦旋准馬凱索取所譯漢文由彼校定即以質難理譯本送交去後馬凱派其幫辦傑  
彌孫亦素習中國語言文字者重加校核復函 臣海寶 臣宣懷請派道員楊文駿及質難理溫宗堯三員  
前往再公同考訂間有酌改字句之處稟經核明於意義無甚出入始從更正其稍有不當必令多方辯  
論須斂稱符合而後已嗣承准軍機處電令將所印洋文由江鄂滬三處詳細校對再行核定電商前督  
臣劉坤一 臣之洞往復斟酌以畫押在卽若候洋文寄至江鄂覆核萬起不及且江無洋文好手堪任其

事卽鄂派員前往亦屬太遲滬校既經數次實係愼益加愼前經會奏陳明並將馬凱校對增改之處附  
奏吏正是以未敢再事拘泥致誤耨押之期謹據實詳陳以釋 宸廑所有英約告竣遵 旨耨押緣由  
理合詞恭摺具報並將約本漢英文各一分進呈 御覽得 旨外務部知道約本併發○辛丑諭前  
據給事中吳鴻甲奏參江南抽捐擾民當經諭令該督撫確查參辦茲據李有榮恩壽查明奏候補道  
王毓坤總辦房捐尚無迴護候補知縣徐葆華前在如皋幾釀事端業經奏參革職均毋庸議候補知州  
許庭森玩視要公不知自愛著卽行革職泰州知州羅允猷居官不勤頗滋物議著開缺另補浦縣知縣  
調補山陽縣知縣馬光勛老而廢事著勒令休致浦縣銷捐委員錢浦深性情浮蕩難膺民社著以府經  
歷縣丞降補餘著照所議辦理○壬寅刑部尚書貴恆因病乞休不允予假一月調理以阿克丹署刑部  
尚書○癸卯李有榮奏查新案賠款江蘇省奉派銀二百五十萬兩或成江蘇江甯藩司兩淮運司各  
關局通力合作所有江甯藩司分籌之款前經奏明以規復錢糧改價加提撥漕盈餘作抵每年約可得  
銀七萬兩在案前藩司吳重熹復因庫款萬分支絀拮据無由不得不多方籌集酌擬加收田房契稅抽  
收房膏各捐並仿照安徽章程酌提典惠先後釀詳 旨抵藩司任後深鑒前司道籌籌之苦又切日久  
弊生之慮因竊續籌各款逐細察酌除田房契稅每兩加收錢六十大文爲數無多毋庸更改又房捐另摺

具奏外查齊捐原議無論土膏煙館計日收捐城鄉徧及董保查辦已覺曠然徵收似易滋流弊擬煙館一律免捐改爲就土徵膏或成土銷土商或認統捐或包歲捐易於稽收自無紛擾不特貧苦小民得安牛業且取之銷商較取之煙館其數倍增可藉補免捐之缺典捐原議核定實存架本照安徽減半每月提息二釐茲復查明齊屬各典向於本年冬臘兩月讓利放賊典商既知恤民亦當體其恤民之念轉以恤商擬將冬臘兩月息錢免提每年按十箇月提取分期彙繳並將已屆滿限無息可收之貨於架本內核數扣除俾免藉口而招紛怨似此設法變通既隳杜無形之弊復酌定可出之資價款難籌但求如數而止物力當恤不至竭澤而漁庶仰副 聖主體恤民艱之至意下戶部知之○甲辰予故湖南知府岑德固列入國史孝友傳○以吉瑞爲廣東高州鎮總兵○乙巳柯逢時奏江西水道衆流奔赴注鄱湖以遠長江實爲通省商貨出入之總匯惟波濤險惡風帆上下時有戒心轉運亦多阻滯近年本省紳商先後創設小輪公司行駛內河頗稱利便在藩司任內將土產各貨改辦統捐擬購小輪往來省城九江及贛州等處裝運客商暨已納稅釐各貨藉利轉輸適有商輪四艘並懸船碼頭公司房屋器具出售當與議定價銀三萬兩詳經 臣李興銳批准由司籌撥成交又招集商股銀五千兩添購淺水小輪二艘以備冬令水涸之用均照章報關核領船牌驗候隨時查驗在於省城設立內河商輪公司派委藩司及

現署督糧道試用道丁乃揚繼司其事已於六月開辦至江西向有紫電官輪年久多有損壞當飭製造局的量修舊估價銀五千兩撥歸該局作為官本嗣後無論官私雇用一併照章收取水脚所收銀兩先提一分官利再除逐月支銷下餘之款以五成存為公積預備修船各費以五成為官商股本餘利及在事司員花紅大致仿照各公司章程辦理原派管帶紫電輪船員役均於光緒二十八年五月底一律撤回應支薪費亦均於五月截止循舊歸善後局用款彙案造報自六月起即改由輪船水脚項下開支以節糜費據司道詳請具奏前來 覆查無異下部知之○丁未諭上年降旨特開經濟科諭令內外臣工查訪保薦於本屆會試前舉行現在各省保奏之摺既未到齊而明年會試係在河南舉行且天氣尚寒遼省之士跋涉維艱自應量加體恤著改於明年會試後舉行所有保薦各員即著政務處查明原官省分咨行原保大臣及該督撫分別保送務於明年四月以前齊集京師屆時由政務處會同禮部奏請欽定日期考試○戊申諭奎順等奏科布多幫辦大臣瑞璋假期屆滿病仍未痊懇請開缺據情代奏一摺瑞璋託病遷延久不赴任實屬有意規避著即行革職○諭各省防營缺額扣餉幾成積習經諭令該督撫查禁並將不肖營官隨時懲辦不啻三令五申乃聞近日此等情弊尙復不免著各該督撫嚴行稽核嗣後如有缺額不足及尅扣軍餉即行嚴參究辦其情節較重者查出即行奏請正法該督撫等務當



破除情面認真整頓毋得稍存姑息以肅軍紀○諭岑春煊奏特參貪庸長慮各員請嚴行懲處各等語  
四川候補知府文奎委辦盤局聞匪逃避復將該局盤錢捏稱匪搶前後稟報不符署鄂縣知縣候補知  
縣洪錫綏於匪徒過境並不認真堵截招募土勇復有缺額扣餉情弊遂溪縣分駐蓬萊鉅縣丞夏侯治  
當匪黨竄擾縣屬既不督團堵剿贖放託故捏離職守均屬咎無可辭著一併革職永不敘用餘著照所  
議辦理該部知道○外務部奏准光緒二十八年正月閩浙總督許應麟奏稱閩省廈門為各國通商  
要埠鼓浪嶼係距廈西南小島四面環海商賈素稱繁盛自臺灣外屬之後廈門地當衝要民心浮動鎮  
撫維艱美國巴領事請將鼓浪嶼開作公地藉可保護廈門當由興泉永道延年與各國領事會商再三  
磋商時閱數月始克就範現議各款揆以公地之義尚屬相符且廈門均歸一體保護實於地方有裨當  
將章程草約會同簽字咨送外務部查覆等語等細釋該督原奏所稱於兼護廈門一節極為注重乃  
檢閱原約漢文第十五款載有鼓浪嶼既作公地各國官商均在界內居住廈門為華洋行棧所在商務  
尤重應山中外各國一體互相保護而檢合洋文於此條則空留未填不特漢洋文原約不符且究竟各  
國領事於此條曾否議定其有關繫當即咨行該督查明聲覆去後旋經領銜美國使臣康格照稱鼓浪  
嶼公界章程各國兼護廈門一事各使臣以為僅於鼓浪嶼立租界合同不能言及兼護中國地土各國

領事實無此權卽各使臣非奉本國之囑亦復無此權力合同內立此條款係屬無用請按前章程辦理等情復經臣部電令許應騷奏明辦理茲於九月十七日復准許應騷奏稱鼓浪嶼草約合同第十五條兼護廈門一節各領事以此條洋文須俟駐紮各國公使敷填現在各使既稱領事無權則外國無從商辦惟請洋合同未便兩歧請飭外務部與各國公使仍照華文填寫或給以華文爲憑此項草約本已聲明必須候朝廷批准方能遵行倘各使不允儘可將前約作廢等因臣等伏查廈門地當衝要實爲閩省屏藩該督議訂鼓浪嶼租界章程擬令各國一體兼護意在預防他國專行窺伺不爲無見惟廈門係中國地方本非外人所能干預若明定約章強令各國互相保護轉失自主之權於戰無取若因各國不允保護遂議將前約作廢無論各使未必允從卽令就我範圍竊恐名既不正言又不順亦將重貽列邦訕笑現在領銜使臣康格既稱非奉本國之囑無此權力又謂合同內立此條款係屬無用原訂洋文章程又未載明臣等公同商酌不如將原訂漢文章程第十五款保護廈門一節逕行刪除較爲簡淨查該督咨送鼓浪嶼漢文地界章程共十七款除刪去第十五款外其餘十六款於公地之義尙屬相符自應請旨准行以符原約而敦睦鄰如蒙 兪允卽由臣部咨行該督並照覆領銜使臣康格知會各使臣一體遵照辦理得旨允行○許台身奏韓國咸鏡南道德源郡所屬元山海口在海參崴釜山之間

流寓商民日俄及中國居多該兩國均各設有領事中國從前亦曾派員駐紮光緒二十五年改歸漢城  
總領事兼管過有應辦公事的派隨員前往陸路險阻水路迂遠已覺諸多不便近因俄人稅重商務移  
萃該口華商日增時有牽涉外人及自相控訴之案均須隨時審理兼之失業流民間或聚賭行竊稽查  
約束亦不可無常駐之員前使臣徐壽朋任內屢據商董稟請復設領事到任後家商又紛紛具呈正  
在委員查勘集商籌議該學稅務司洋人並他國駐使復以為該國德源郡監理官文達外部照請仍  
前設立領事因適值裁減經費之時未敢率行陳請照復該國暫從緩議現存該外部來文請即派員往  
駐事為民生國體所關核之商情家論其勢實難再緩值此庫儲支絀惟有諸從節省辦理伏查漢城總  
領事前因兼管元山是以派有隨員二人今該學既需派駐專員擬就該二員中擇一通知洋文者調派  
前往改為副領事官暫時黃屏辦公可不再派翻譯該學交涉既繁僅設領事一人恐有時不遑兼顧若  
增派隨員月薪未免較多擬即選派供事一人佐理案牘且備差遣元山既不歸漢城總領事兼管所遺  
該署隨員一差亦不調員充補以期節省所需俸薪以及房租各項公用擬即比照韓館向辦成案撥節  
請支總期公款所費無多而該學有常駐之員於交涉一切庶幾不致貽誤下外務部議奏○辛亥諭升  
允奏特參職官招搖漁利請旨懲處並請妥議章程一摺前任陝西布庫大使馬惟浚盤踞省城指節擅

騙質屬食鄙異常馬惟沒著革職永不敘用遞回原籍交地方官管束著順天府五城一體嚴查不准潛  
來京城招搖生事並著政務處會同各部將辦公奏銷經費安定章程奏明請旨通飭各省遵照辦理以  
杜弊端○壬子諭張之洞端方奏參道員請旨懲辦等語湖北試用道任子齡由刑部捐納道員指分湖  
北廣通雙氣變亂是非舞文玩法此等劣員若不嚴加懲辦必至敗壞風氣該督等僅請勒令回籍尙屬  
輕縱任子齡著卽行革職驅逐回籍交地方官嚴加管束以肅吏治○命英秀爲科布多幫辦大臣○癸  
丑張之洞奏查湖北省城武勝門外直抵青山瀨江一帶地方與漢口鐵路碼頭相對從前美國人勘粵  
漢鐵路時卽擬定紅關一帶爲粵漢鐵路碼頭是武昌爲南北幹路之中樞將來商務必臻繁盛等於上  
海近年洋行買辦託名華人私買地段甚多此處若由外人請開口岸設租界距省太近營壘不能設法  
令不能行有礙防守查岳州係自開口岸名通商場不名租界自設巡捕地方歸我管轄租價甚優年年  
繳租各口所無一切章程尙屬妥善曾經於光緒二十六年十月間據案奏請准將湖北省城北十里  
外沿江地方作爲自開口岸庶不失管理地方之權奉 旨照議辦理等因欽此欽遵在案當經籌議開  
辦大致章程專設商場局派委湖北藩司鄂廷韶總辦局務洋務委員候選道梁致彥署武昌府知府梁  
鼎芬充當提調督飭江夏縣妥爲經理首先嚴禁奸商劣民不准冒名私買嚴飭地方官不准印契其時

武勝門外一帶江堤築成湖出官民各地先已設有江岸清查官苑收買民地迫江岸局將清丈局地給價立界事竣即行撤局將契文卷移交商場局管理並經募僱英國工程師斯美利來鄂飭令丈量地段將建築碼頭填築駁岸興修馬路一應工程詳切勘估測繪細圖核辦茲查通商場共計查出收買官民各地三萬餘畝共計用過地價局費銀二十三萬餘兩因籌款無出借撥漢口米商平糶扣銀七萬餘兩其不敷之數俱係借華洋各商之款應付俟將來售出地價歸還目前之費雖鉅而將來之利無窮查沿江沿海各租界寓外人開辦之始經營草創費亦不貲其後商務一興地價驟漲上海一畝之地且有值至萬金者武昌東西扼長江上下之衝南北為鐵路交會之所商場既闢商務日繁地價之昂可坐而待已嚴飭飭行局府擬立案目前無論華洋商人以及何項官局紳商意欲承領決不准輕給賤價總宜堅持數年待至五年之後鐵路大通北達歐洲南窮香港羣商趨之若鶩自然爭先訂租今日一畝之價異日百倍其值統計此地三萬餘畝合二百餘萬方此外如有可推廣收買者仍當體察情形相機擴充收買將來或租或售應視其遠近高下臨時酌定價值賤賤之等差若鐵路公司需用者亦須照議定通行之價承買即官設之碼頭局所行棧亦一律付價其餘之地由各洋商領租各華商領買約估所得地價多少率算以最廉之價每地一方值銀十兩計之所繳租價買價亦值銀二千餘萬兩除撥還借款之

外贏餘甚鉅可供開辦此項通商場修駁岸造馬路設巡捕房設工部局設渡江大輪之用及本省興學練兵暨興辦工商務等經費此等所以急圖經營不敢惜目前之費而忘久遠之謀者也尤可慮者此時如不預爲布置匪特失大宗之財用抑且損自主之治權浸假各地悉爲外人智購勢必又蹈租界故轍使我統轄地方之權其流弊後患殆不可問今既由官收買斟酌出租既有開辦商場之資且免治權旁落之患實於大局有裨下外務部戶部知之○調免直隸州東明長垣三州縣瀕河村莊本年被水錢糧○甲寅慶親王奕劻與俄國使臣雷薩爾訂中俄陸路接綫展限續約四條○乙卯諭吳重熹奏查明各州縣災歉情形請分別蠲緩糧租一摺直隸武清等州縣本年六月以後連次大雨山水下注河堤漫溢秋禾多被災歉若將應徵糧租照常徵收民力實有未逮加恩著照所請所有勘明成災五成七八九分及歉收三四分不等之武清等十一州縣應勘明歉收三四分不等之通州等十三州縣應徵錢糧及各項旗租均著按照原奏所開被災分數分別蠲緩帶徵並應徵屯米穀豆草束臨課學租旗產錢糧河淤海防經費儲備軍餉廣恩庫租通津一帶屯租一併分別蠲緩帶徵其兵部馬館鑾儀衛地租承濟庫租代徵租及出借倉穀籽種口糧牛具等項著一體酌量緩徵並分別減免差徭以紓民力餘著照所議辦理該部知道○諭劉坤一奏石印圖書集成存儲尚多請有辦理等語著卽進呈二十部派員解

京並賞給每省一部以資觀覽其餘解交外務部收存俟旨頒發○張之洞等奏湖北省城之南保安門外白沙洲至金口五十里省城之北武勝門外新河起經紅關至春山三十里省城外江岸南起鮎魚套內之熊家渡北抵塘角十二里餘沿江一帶南路舊堤年久殘廢僅有堤形可按北路間有小壩每年夏間必為江水漲入堤內之田數十萬畝悉成湖蕩坐墜膏腴居民耕種失業極形困苦且其中有督標江夏縣馬廠各數十里亦被淹沒畜牧無從實於民田官地闕繫甚大查南堤為前督周大猷所築現在日久坍塌前人苦心經營澤民惠政何容聽其湮沒且鄂省前數年疊被水災各屬貧民流離失所腐聚二澤間深虞滋生事端因思將此堤修復既可以工代賑濟無數之窮黎又可永安唐黎得無數之良田維時湖北賑捐尙有存款是以力籌大修之舉為一勞永逸之計經臣之洞於光緒二十五年春間先將紅關至春山之堤分作八段派委各員興修是為北路之堤民間畱日於沿江偶因春漲築作土埂全不足恃一經夏漲或春秋大汛便至漫淹將沙湖鄖湖連成一片自江岸東抵磨盤諸山一帶一片汪洋現於北路三十里築為長堤皆係以平地為基因地勢之低昂定堤身之高低高一丈至丈七尺堤面一律寬二丈旋復於秋冬水涸將白沙洲至金口之堤分作十段分別委員興修是為南路之堤南堤較北堤地段尤為廣遠堤內地段東過東湖門南抵八風山督標馬廠卽在其內有湖南湯孫湖黃家湖春林

湖巡司湖夏間江水內灌則諸湖及河道連成一片其舊存堤址大半距江岸甚遙今則於沿江附近改作新堤使舊日濱江被淹之地併包於新堤之內洩出田畝不可勝數計南堤綿亙五十里增築一丈餘不等堤面一律寬二丈工程尤爲浩大諱飭在事文武員弁督率民夫日夜趕築胸膈無間僑極辛勤得以蕩事數年以來南北兩堤新堤之未穩者則復令翻築堤身之衝刷者則復令培厚堤身之較低者則復令加高南北兩堤之地面皆經屢加測量務令一律砥平現已一律工竣堤外欽令其種植柳樹之外栽種蘆葦以禦風浪而復護堤根惟外江之水既有堤以禦汎漲內湖之水須有閘以設宣洩因於南北兩堤擇地建閘數座因時取閉蓄洩有資石閘工費尤爲艱鉅臣端方抵任後察看情形與臣之洞公同商酌以爲興大利不當惜重費因始基乃克垂久長因委員詳加勘查按段培修長堤悉臻穩固臣等每於堤閘出有險工親往查勘督飭各員極力搶險幸保無虞此先後修築南北長堤及石閘各工之情形也至省城附郭一帶江岸十餘里向來舊有石礮岸之處尺寸較低且不盡有礮岸當江水盛漲兩潦日久之際城內之湖塘溝渠城外之濠梁港汊積水漫溢淹沒路衢不能啟閘以洩之入江而外江之水繼長增高乃至泛及岸路侵入城關不可不籌抵禦之方因將沿江舊有石礮岸之處增修加高使內水可洩外水不入并於武勝門外未有礮岸之處一律加修石礮岸俾資捍衛其南北兩端與新築南北兩長堤



相接之處則加築高厚土堤俾與長堤相等至石岸雖屬鑿定惟以江水之激盪石岸內之沙土極木不免有年久坐卸之虞仍須歲時撥款量加修補以期永久鞏固此又增修中段城外附郭沿江石砌岸之情形也南北兩堤既成之後湖復出土甚多有官地有民地有無主之地從前湮沒既久一時驟難分晰若不詳細清查實啟民間紛爭之端復經臣等派員設立清丈局按地勘丈詳加考察清出官地或仍舊爲畜牧之廠或撥作通商場界址之用或撥作農務局耕牧之需其民地驗有契據糧券者照契管業無主者分別發給執照令其繳租墾種現計南北兩路共清丈有官民田地近二十萬畝之譜悉令各管具業此外南北兩堤內沿湖之地湖出者尙多其未及清丈及民間舊業無待清丈從前被淹現可免淹者殆不可以數計以後永澹沈災長安田宅程功雖艱受益甚鉅此又清查田畝之情形也其最有益者則北路紅關至春山一帶爲粵漢鐵路發軔之所此堤不築將來修造鐵路壅水填土工程甚鉅所費殆將以數十百萬計之築成此堤於鐵路經費所省極多裨益至非淺鮮尤有益者省城通南之金口爲上游自湘岳入鄂省之門戶省城通北之春山爲下游自黃州到武漢之要隘金口之山名大軍山江狹嶺峻青山地方岡阜重疊此兩處皆可以置礮屯兵他日若武漢江防有事則由省城南至金口北至青山此九十里中皆有高岸平堤兵隊及馬駁車可以晝夜通行往來援應調度捷速尤爲省防勝算至此項南

北中三段堤岸工程逾九十里修至三二次加以運造木關增修石砌經費實爲不貲賴有以工代賑之  
款動用賑捐銀兩藉資挹注得以竟此全功應由藩司籌賑局核明確數彙同工賑案內詳請開單奏銷  
茲據湖北布政使鄂廷韶籌賑局司道具詳請奏前來臣等謹合詞恭摺具陳下部知之○是月比利  
時國使臣姚士登回任